

筆記小說大觀

集

玉芝堂談薈

明徐應秋輯

第十四冊

進步書局校印

一、
二、
三、
四、
五、
六、
七、
八、
九、
十、

一、
二、
三、
四、
五、
六、
七、
八、
九、
十、

一、
二、
三、
四、
五、
六、
七、
八、
九、
十、

一、
二、
三、
四、
五、
六、
七、
八、
九、
十、

玉芝堂談薈卷三十一

姑茂徐應秋君義父輯

字音通用

古聲有通用者如益為翳契為高臯為咎君牙為君雅班史以龜茲為丘慈范史以龜茲為屈且審食其為異基趙食其為食其是也古字有通用者如陶為繇垂為隄繇為鮪虺為偶紂為受下馬之為蝦蟇琵琶之為聲婆古今人表以君疇為尹壽孟喜以箕子為美茲是也又龍可作寵毛詩既見君子為龍為光是也耐可作能漢碑柔遠耐邇是也是可作視荀子是其庭可以搏鼠是也視可作示漢書視其節儉飛可作非蔡君頌飛陶唐其孰能若是也邇可作巡漢書平當遂邇有恥是也大可作世太子為世子太室為世室是也厲可作癘衡方碑砥仁癘義帝堯碑癘我以仁是也宗可作尊尊盧氏是為宗盧賈造以宗盟為尊盟穀梁以伯宗為伯尊是也左襄上十五年子產對晉云庸以元女大姬配胡公而封諸陳以備三恪恪當讀為客恪客古通用又衛侯入逆於門者頌之而已說文頌低頭也徐云低頭以應也今作頌昭十三年芊姓有亂必季實立今氏書有七姓而無芊姓諸韻書也芊二字同音

皆訓羊出聲。則知羊即古也。字昭二十五年。隱民多取食焉。國語。勒恤民隱而除其害也。詩如有隱憂。隱當讀為殷。古通用。又公徒釋甲。執冰而踞。冰讀為棚。箭房之蓋。水棚古通用。定三年。唐成公有兩肅爽馬。爽讀為霜。爽霜古通用。論語。多見其不知量也。多當為祗。正義云。古祗字。孟子。河海之於行潦。潦讀為滂。滂古通用。素問。脉泣而血虛。又云。寒氣入經而稽遲。泣而不行。又云。多食鹹則脉凝泣而變色。泣讀為溢。泣泣古通用。漢書。兵難踰度。踰讀為遙。即古遙字。呂紀。未敢訟言誅之。訟讀為公。古公字。思玄賦。顛霸旅而無友兮。顛讀為獨。顛獨古通用。百卉含蕪。蕪讀為花。古花字。蔡方士徐市。又作徐福。市讀為黻。古黻字。司馬長卿大人賦。仙仙有凌雲之氣。仙讀為飄。仙飄古通用。

敦字十二音

楊用修曰。敦有九音。反韻音堆。詆也。詩敦彼獨宿。注獨宿不移貌。賓戲欲從瑩敦而度。高乎泰山。瑩敦皆小丘名。元韻音博。大也。姓敦名洽。衛之醜人。又音豚。敦煌郡名。寒韻音團。聚貌。詩敦彼行葦。蕭韻音雕。畫弓。天子弓也。一作筭。準韻音準。布帛幅廣也。周禮內宰。出其度量。敦制。阮韻音遜。左傳。渾敦隊韻音對。器名。周禮。珠槃玉敦。願

韻音頓監也。又太歲在子曰困，敦號韻音導覆熹，一作敦。周禮司几筵，每敦一几。陳士元曰：敦有十二音。一都昆切音墩，怒也。祇也。誰何也。又勉也。迫也。詩王事敦我，取迫義。又衛有醜人敦洽，仙人有敦園是也。一徒官切音團，聚也。詩敦彼行葦，有敦苦瓜是也。一都回切音堆，丘阜也。賓戲欲從菴敦是。又獨處不移貌。詩敦彼獨宿是也。一丁聊切音雕，義同。詩敦琢其章是也。又與殫同。天子殫弓，詩作敦弓是也。一都內切音對，器名。孟詵之屬。周禮珠槃玉敦是也。一都困切音頓，堅也。太歲在子曰困，敦在午曰敦牂，困讀羣。牂讀職。一杜到切音導，覆幘也。周禮敦一几是也。一之尹切音準，布帛幅廣也。一徒損切音他，義同。佷，佷不慧也。一徒渾切音豚，大也。郈名燬，煌是也。一他昆切音燬，義同。激，灑一惡也。一徒對切音隊，與懟同。怨也。此十有二音，並無董治之義。朱子注孟子使虞敦匠事，為董治作棺之事，或以方言為解耳。又軍後曰敦逸，周書武順解。一卒居前曰開，一卒居後曰敦，亦音堆。

直字十四音

字音不可不細辨，如句有四音。虞韻音拘，須句。地名尤韻音篝，句吳。地名高句麗，遼東國名。句踐，越王。宥韻音邁，句當。又姓。遇韻音據，章句。又句容，縣名。屈字有四。一屈

原人名屈產河東地名九勿切音與旬同尺蠖之屈與屈信之屈曲勿切音與趨同漢書賈誼傳用之無度物力必屈渠勿切音與倔強之倔同王藻君命屈狄通作闕翟后服刻繪為衣不畫也空字亦有四音平聲音枯公切說文竅也天曰太空紗名方空是也上聲音孔考工記函人眠其鑽孔舜紀穿為匿孔旁出莊子碧空之在天澤注小穴也張騫傳樓蘭姑師小國當空道大宛傳張騫鑿空是也去聲音控詩不宜空我師論語其庶乎屢空楊子酒誥之篇俄空焉是也入聲音屈古者穴地穿崖而居謂之土空司空官名周禮注司空主國空地以居民是也差有七音支韻音义宜切不齊也差汝參差皆韻音釵使也詩穀旦于差夫差吳王名歌韻音磋禮記御者差沐浙米潘為沐也景差人名麻韻音义不相值也差錯個韻音挫足跌也過也周禮注有差分重差之說賁字有七音彼義切易卦名也陸德明云彼為反徐廣云甫寄反李軌云府甕反傅氏云古班字王肅符文切禮記廣賁之音作而民剛毅荀子下比周賁潰以離上矣音父吻切又沸也穀梁傳覆酒於地而地賁方問切禮記賁軍之將義與債同又音肥周勃為襄賁令地在東海史黯布傳趙將賁赫又音墳大也尚書周宏茲賁淮南子鼈三足曰能龜二足曰賁食之殺人骨肉皆化為水又音奔

尚書虎賁三千。周禮虎賁氏。又音番。山海經。桂林八樹在賁隅。又音渾。韓文注。陸渾山古作陸賁。又與墳同。古文禹貢。厥土黑賁。注。土膏脉起也。以此証之。不止七音矣。苴字有十四音。一切閭切。麻也。子閭切。苴杖也。又子旅切。賈誼傳。冠雖敝。不以苴履。師古曰。苴者。履中之藉也。又布交切。天苴地名。在益州。見史記注。又子邪切。菜壤也。一曰獵場。又似嗟切。苴咩城在雲南。又鉏加切。詩傳曰。木中傅草也。水草曰苴。一作蒼。又作泚。今作渣非。又都買切。土苴不精細也。又側不切。糞草也。又側魚切。說文曰。酢菜也。又莊俱切。姓也。漢有苴氏。又則吾切。茅藉祭。又將預切。糟魄也。又子余切。苞苴囊貨也。

離有十五義

字義之多者。莫如離。離別通訓也。卦名。見易黃離。倉庚。見說文。大琴曰離。見爾雅。流離。鳥名。見毛詩註。長離。鳳也。相如賦。織離。馬名。見李斯書。侏離。夷語也。見史記。陸離。雜亂參差也。見文選。木名。見孔子世家。水名。見地理志。人姓。見氏族志。江離。草名。接離。冠名。此皆字書已引者。又公羊傳。二人會曰離。會謂各是所是。各非所非。不能定也。此離與二鳥離立之離同。又艾字有十七義。艾。說文。水臺也。即今艾。艾。一曰。老也。

禮記曲禮五十曰艾。屈原九歌舞幼艾。注艾長也。幼艾猶言少長。爾雅艾歷也。郭璞曰長者多所更歷也。詩朕未有艾。又養也。爾雅頤艾育養也。詩福祿艾之。方言汝頤梁宋之間謂養為艾。又美好也。孟子知好色則慕少艾。戰國策公子年謂趙王與幼艾。高誘註云艾美女也。又過半也。詩夜未艾。注久也。又詩或肅或艾。毛云治也。又止也。息也。左傳襄九年大勞未艾。又安也。詩保艾爾後。又□□□□□□是也。金履祥云艾一說白也。一說半白也。少艾謂少年方半也。趙岐孟子註艾幼好也。又懲創也。魏相傳無所懲艾是已。又修治也。孟子私淑艾是已。一曰邑名。在南昌。又姓。又切字。廣韻割也。刻也。近也。迫也。增韻又急也。又刀批也。博雅治骨謂之切。又苟且曰一切。如以刀物。苟取整齊。不顧長短縱橫。又大槩曰一切。又訖切也。剗切也。又反切。一韻之字。相摩以成聲。謂之切。又門限曰切。漢昭陽宮切皆銅。查冒黃金塗。

委蛇十二變

洪景盧曰。歐公樂郊詩云。有山在其東。有水出透莢。近歲丁朝佐辨。正謂其字參古今之變。必有所據。余因其說而悉索之。此二字凡十二變。一曰委蛇。太詩羔羊退食。自公委蛇。委蛇。毛公注。行可從跡也。陸司農曰。魚屬連行。蛇屬紆行。委蛇義益取此。

鄭箋委曲自得之貌。委于危反。蛇音移。左傳引此句。杜注云：順貌。蘇秦傳：委蛇蒲伏。索隱曰：面掩地而進，若蛇行也。莊子載齊威公澤中所見其名，亦同。莊子司馬彪注：委蛇，泥鰌也。管子注：委蛇，澤鬼名。二曰：委他。詩：君子偕老，委委佗佗。毛注：委委者，行可委曲從逆也。佗者，德平易也。三曰：委迤。韓詩釋上文云：公正貌。說文：逶迤，斜去貌。一作稽陀。四曰：倭遲。詩：四牡騤騤。周道倭遲。注：歷遠之貌。五曰：倭夷。韓詩之文也。六曰：威夷。潘岳詩：迴谿縈曲，阻峻阪路，威夷。孫綽天台山賦：既克濟於九折，路威夷而修通。李善注引韓詩：周道威夷。薛君曰：威夷，險也。七曰：委移。離騷：經載雲旗之委蛇。一本作委移。注：雲旗委移長也。八曰：逶移。劉向九歎：遵江曲之逶移。九曰：逶蛇。後漢費鳳碑：君有逶蛇之節。十曰：蛟蛇。張衡西京賦：女娥坐而長歌，聲清暢而蛟蛇。李善注：蛟蛇，聲餘詰曲也。十一曰：邁迤。漢逢盛碑：當遂邁迤，立號建基。十二曰：威遲。劉夢得詩：柳動御溝清，威遲堤上行。韓公南海廟碑：蜿蜿蛇蛇，蛇亦然也。則歐公正用韓詩。朝佐不暇尋繹之爾，然又考韓退之詩：有委陀交結。後漢邛形贊：有委陀還。李鉉字辨，又作倭施，則此字益十四變矣。又今人用碌碌字，本出老子：碌碌如玉，落落如石。孫緬唐韻引此句，及王弼別本，以為碌碌。又史記毛遂傳：公等錄錄，因人成事。唐

韻以為姝。錄漢書錄錄未有奇節。顏師古註錄猶鹿鹿言在凡庶之中也。馬援傳今更共陸。陸莊子漁父篇祿祿而受變於俗。後生或不盡知。

凝脂讀倭

詩。膚如凝脂。唐詩。日照凝紅香。白樂天詩。落絮無風凝不飛。又舞繁紅袖。凝歌切翠眉。愁又舞急紅腰。凝歌遲。翠黛低徐。翰臣詞。重省別時淚。漬羅巾。猶凝張子野詞。蓮臺香蠟殘。痕凝高賓王詞。想蕙汀水雲愁。凝柳耆卿詞。遍天邊。亂雲愁凝。俱讀倭杜子美詩。忽忽窮愁。况殺人元微之憶內詩。顧我無衣。搜畫匣。泥他沽酒拔金釵。杜牧之登紅華樓詩。為郡異卿能。泥酒非烟傳。郎心應似琴心怨。脉脉春情更泥誰。楊乘詩。畫泥琴聲夜。泥書元稹文原贈妓詩。銀燈影裏。泥人嬌。柳耆卿詞。泥誰邀寵。最難禁。泥俱讀。擬嵇康琴賦。春蘭被其東。沙棠植其西。涓子宅其右。玉醴涌其前。趙壹窮鳥賦。幸賴大賢。我矜我憐。昔濟我東。今振我西。魏明帝涼風夕起。悲彼秋蟬。變形易色。隨風東西。曹子建飛蓬篇。驚朕接我出。故歸彼中田。當南而更北。謂東而反西。漢樂章象載瑜白集。西食甘露。飲榮泉。文西俱讀。先唐詩。錢唐蘇小小。人道最天邪。又長安女兒雙髻鴉。隨風起。蝶學天邪。宋詞。杏靨天邪。榆錢薄淡。張仲宗詞。薄劣東

風天邪柳絮明朝重覓吹笙路碧雲香雨小樓空春光已到銷魂處天俱讀至樂天詩羌管吹楊柳燕姬酌蒲桃銀合鑿落蓋金屑琵琶槽秦再思昨日施僧裙帶上斷腸猶繫琵琶絃又四絃不似琵琶聲亂寫真珠細撼鈴又忽聞水上琵琶聲又燭淚連盤疊蒲桃又對東溪野枇杷張祐詩生摘枇杷酸空樓一曲琵琶聲白樂天詩四十著緋軍司馬男兒官職未蹉跎一為州司馬三見歲重陽武元衡唯有白鬚張司馬不言名利尚相從蒲桃之蒲琵琶之琵琶之琵琶司馬之司俱從去聲又相字作入聲為問長安月誰教不相離是也相字下自注云思必切唐詩三十六所春宮殿一一香風透管絃又綠漲東西南北水紅闌三百九十橋又春城三百九十橋夾岸朱樓夾柳條又煩君一日殷勤意示我十年感遇詩十俱音謀作平聲唐彥謙雨詩燈檠昏魚目薰鑪咽麝臍繁作去聲王建贈李僕射詩每日城南空挑戰以挑作上聲贈田侍中歸鎮詩綠窗紅燈酒初新以燈作去聲李山甫赴舉別所知黃祖不憐鸚鵡客誌公偏賞麒麟兒以麒為去聲元微之春遊篇欲終心懶慢轉恐意闌散以散為平聲劉刪詩回爐乘派水舉帆逐分風張曲江詩征鞍稅北渚歸帆指南郵趙東曦詩帝城馳夢想歸帆滿風颺已何詩錦帆乘風轉金裝焯地新孟浩然詩嶺北回征帆巴東

問故人徐安貞詩暮雨衣猶濕春風帆正開帆字作梵音杜少陵詩遠投錦江波投
音豆

字音異讀

瀧水之瀧音密雙句讀之讀音肅爽之爽音月氏之氏音用里之用音汨汨羅之汨音博縣名又

汨羅之汨音密水名不其之其音吞吞姓之吞音魯般之般音班先零之零音樊樊於期之於音烏

赤市之市音密市獻尊之獻音姑射之射音益溲池之池音馳令居之令音連寧馨之寧音寧疆

場之場音選懦之懦音軟盟津之盟音孟國土之土音度繒繳之繳音勺繁廷壽之繁音繁方與

縣之方音防抱鼓之抱音單于之單音禪綸巾之綸音綸犧樽之犧音授率更之率音律平反之

反音曹牢愁之愁音曹風裁之裁音奉朝請之請音去尸解之解音解眾生之眾音落魄之魄

拓音拓隱几之隱音印提撕之撕音西滑稽之滑音骨服匿之服音避椎結之結音醫濡水之濡音尤休

屠之屠音儲莫菑之菑音救酒鎗之鎗音攬槍之槍音鑊戲下之戲音鹿崖公受釐之釐音傍

魄之魄音薄旖旎之旎音離天苴之苴音巴衰余之余音斜玄端之端音寬妖蠱之蠱音冶三紅之紅

降音降鬱隆之鬱音盛日施之施音移須搖之搖音史伊帆之帆音祈旖旎之旎音旎柴池之柴音差操

之操音參斗獻之獻音希無虞之虞音問義堂之義音儀遁巡之遁音送焯火之焯音庖翮幅之

幅音餘汗之汗干音烏巨之巨桓音輪邊之邊扁音宛拳之宛音團焦之焦標音揣靡之靡音

華耶之耶聯音中盾之盾允音淫預之淫黠音川欄之欄林音炫燭之燭燿音個倡之倡恨音壘

之壘律音都龐之龐龍音甯星之甯崔音臯比之比皮音沙羨之羨夷音費禕之費蜚音度劉之劉

音宛句之句勅音俛來之來黎音商顏之顏崔音負尾之負山音涪漢之漢滄音井幹之幹韓音

關弓之關灣音羨門之羨延音澁水之澁嗟音茄下之茄荷音烏稅之烏鴉音洛陽令諸於之諸

遮音角亢之亢剛音陳蔡不羹之羹耶音僕區之區馭音涑水之涑沒音汜勝之汜軌音隋星之隋

妥栗姚之姚鷄音伍員之員運音越席之席活音隆準之準拙音假借之假塚音葉縣之巢劉音高

麗之麗翠音數奇之奇基音龍且之且直音孟賁之賁奔音桑乾之乾干音烏號之號豪音委積之積

恣鼓吹之吹翠音溺儒冠之溺尿音華山之華化音長物之長仗音走壙之走麥音倉卒之卒忤音曳

啞之曳洩音楚些之些梭音鹽筴之筴策音捷為之捷虔音毋追之母輞音獵較之較角音逕庭之庭

歷阿誰之阿音汗巖之巖林音騷除之騷掃音大蠹之蠹到音徙縣之徙斯音龍兌之兌越音奪

虹縣之虹絳音會稽之會貴音天姥之姥母音逗留之留瀾音盤飧之飧孫音一杯之杯夜音骨朵

之朵都音仰給之仰釀音揖厭之厭揖音葉推手日履音共張之共設音公陳屈軼之軼佚音結襪之

結紫音紫一切之切砌音百揆之揆跪音貪冒之冒墨音契丹之契乞音洗馬之洗先音記慢之弛誕音

禁天高上大

周宣帝自稱天元皇帝。禁人有天高上大之稱。改高姓為姜。九族高祖為長祖。宋政和中。禁人以龍天君王帝上聖皇玉主等為名字。故毛友龍但名友。句龍如淵稱句如淵。葉天將但名將。樂天作但名作。方天仕改名大仕。方天若改名元若。衛上達賜名仲遠。葛君仲改名師仲。周綱字君舉。改字元舉。俞聖求改名應求。程瑀字伯玉。改字伯禹。宣和中詔罷前禁云。洪武三年。禁革小民。毋以天國君臣聖神堯舜禹湯文字。周漢晉唐宋等國號為名字。正統十年。進士登科錄。凡天字皆作堯。云出內閣意。景泰中。幸太學。謝表內閣自為之。中有管窺霄蟲測海句。蓋亦避天字也。時有識者。詫其真。正德初。逆瑾擅政。禁民不得用天等字為名。如郎中方天雨。但名雨。參議倪天民。但名民。未幾瑾誅。識者謂無天之罪。已兆於此。

五色賦

唐寇豹與謝觀同在崔裔孫門下。以才藻知名。豹謂觀曰。君白賦。有何佳語。觀曰。曉入梁王之苑。雪滿羣山。夜登庾亮之樓。月明千里。觀謂豹曰。君胡不作赤賦。豹曰。田單破齊之日。火燎平原。武王伐紂之年。血流漂杵。文山效之作黑賦。孫臏卽杖之際。

半夜失踪。連磨面壁以來。九年閉目坐中。一客賦青曰。帝女之望巫陽。遠山過雨。王孫之別南浦。芳草連天。一客賦黃曰。杜甫柴門之外。雨漲春流。衛青油幕之前。沙含夕照。文山評。月明千里。得白之神。曰。火曰血。不免著跡。或改之曰。孫綽賦。天台景赤。城霞起而建標。杜牧詠江南春。十里鶯啼而映綠。又賦黃曰。靈均之嘆木葉。秋老洞庭。瀟明之吸落英。霜清彭澤。楊用修改黑賦。周庭之列畢蘇裳。如蟻陣。陳闡之迎張孔。鬢似鴉翎。予嘗從友生小集席間。以五色字在下者為令。除花名外。如槐花黃。舉子忙。文選。熟秀才綠。枇杷黃。醫者忙。橘子黃。醫者藏。樹頭紅。田裏空。塗額之蜂黃。寫書之殺青。蒸青汗青。王夷甫口中雌黃。老子有牝牡驪黃。字法有飛白。粧飾有鉛紅。蛾綠。智瓊額黃。七命茱黃之鮎。注茱黃地名。校書有鉛黃。奏疏有貼黃。飲酒有舉白。浮白。東坡詩。仍須煩素手。自點葉家白。建漢茶名馬病有玄黃。珍味有熊白。燕翠。星名有太白。嫦娥奔月。占於有黃。唐書。諸道歲進闈兒。號私白。列子。執雕虎力士。名有中黃。枹朴子。黃帝適東岱而奉中黃。樂府有解紅曲云。百戲罷。五音清。解紅一曲新教成。馬名有騰黃。昇黃。飛黃。吉黃。腹丹。又女工為女紅。馬名。炤夜白。大杖名。孟青。大枷名。彌尾。青鳥名。有海東情。元朝雁佳名。昔寶赤河間。王馬追風赤。又馬名有龍驤赤。奔

虹赤發電赤什代赤。珮露紫翔麟紫龍松白騰霜白旋風白橘譜有海紅。宋世馬有好頭赤。姜堯章吹洞簫度曲。妓小紅輒歌而和之。崔氏青衣名輕紅。閬州參軍黃涉婢曰笑春紅。昭宗末供奉琵琶樂工有關小紅。漢王靈孝為雌狐所魅。名阿紫。清異錄。雪名冷飛白。犀角之佳者名雞昧白。米之佳者名竹根黃。稻名有回頭黃。異聞總錄。太原府二龍威靈甚著。廟貌特雄。常化形為青蛇。人目為大青小青。又聰道人結廬入和山東峯。二虎為之衛。名大青小青。王公權家酒名荔枝綠。藥名有曾青。空青。半黃。雄黃。雌黃。蛇黃。包彤。天竺黃。水脂。碧。骰子名六赤。鳥名有十二紅。九旗中有大赤。武王懸紂頭於太白。酒器有大白。單雄信鎗名寒骨白。北俗罷任以花枝挂彩。曰長紅。木有男青女青。冬青珠有結綠。元時雙調曲名有忽都白。石林燕語表章略舉事目。與日月道里見於前及封皮者。謂之引黃。曹明善曾作詞。刺伯顏名岷。江綠。金史有阿里白。謂以物與人而人已愛物也。清異錄香附子。湖人謂之回頭青。宣和間。染色有太師青。義渠貢馬有茲白。錢名有紫紺。元朝侍御之最親者有云都赤。快行人號貴繇赤。官名有達魯花赤。司閹者曰八刺哈赤。珮索鞅侍左右者曰火兒赤。珮弓矢守禦者曰潤端赤。牧馬圉人曰阿塔赤。主服御者曰速古兒赤。主酒者曰塔刺赤。主膳

者曰博兒赤。主潼者曰郤刺赤。珮刀守禦者曰温都赤。奏樂者曰虎兒赤。諸部族軍曰探馬赤。典文史者曰必閣赤。捕獵者曰怯憐赤。譯文史者曰怯里馬赤。主馬者曰莫倫赤。牧駱駝者曰帖麥赤。牧羊者曰爾赤。忠勇之士曰霸都魯赤。驛傳文簿為兀刺赤。張志和奴婢各一人。一名漁童。一名樵青。佛書有帝青。酉陽雜俎有剗青。談圃芟名水流黃。清異錄。木香名大通綠。青鹽名小帝青。蘆薈別名鬼丹。檳郎名洗瘴丹。瓜萋根名地白。山海經有瑤碧白丹黑丹。禹貢有駑丹。建安能仁院茶名石巖白韋。巨源食品有貴妃紅。胭脂暈品有萬金紅。小春紅。大春紅。穆宗建殿閣以縹青和丹砂末名長慶赤。酒名有珍珠紅。荔枝譜有陳紫。江綠。方家紅。何家紅。法石白。奪先紅。馬先白。郎官紅。一品紅。洞中紅。星毬紅。瑞堂紅。麝囊紅。玉堂紅。七夕紅。馬家綠。嘉客紅。藍家紅。周家紅。玳瑁紅。又考五色之目。爾雅一染謂之緇。再染謂之窳。三染謂之纁。此三染者。皆丹汁染之。考工記云。三人為纁。五人為緇。七人為緇。爾雅與考工記皆不言。四人六人。士冠禮有朱紘之文。鄭注。朱則四入者。是更以纁入赤汁而為朱也。淮南子以涅染紺則黑。於涅即黑色也。纁若入赤汁則為朱。若不入赤汁而入黑汁則為紺矣。以此緇入黑汁則為緇。相類之色。若更以此緇入黑汁則為玄。是六入

為玄故士冠禮注亦云玄六入也更以此玄入黑汁則為緇是七入為緇玄緇亦相
 類之色說文云紺帛深青楊赤色緋絳色廣雅碧緋紺綠緋總蒼青也彤丹朱赭
 纁絳繡燁赫緋燭赤也酙黠黠黠黠黠黠黠黃也暉晶皙曉確曠眊的併暘皓皎瞿
 潔白也黝黝黝黝黝黝黝黝黝黝黝黝黝黝黝黝黝黝黝黝黝黝黝黝黝黝黝黝黝黝黝
 黑也近黑曰弋似綠色曰枚亦多白少為緋帛青白色曰縹淺黃色曰緹白色曰鶉
 青色為葱皂色為衿又有天縹淺絳女貞黃天水碧退紅不皂環濟要畧間色有五
 紺紅縹紫流黃又青別為蒼赤別為朱析朱為緋黃別為靛白別為縞黑別為玄又
 逸雅青白赤黃黑為五方正色白加青為碧為西方間色白加赤為紅為南方間色
 黑加赤為紫為北方間色青加黃為綠為東方間色黃加黑為流黃為中央間色佛
 經尼羅青也阿羅那赤也盧醯咀迦沙野同叔羅白也迦荼黑也一日訖里瑟拏黑
 也健陀羅黃也羅差紫也冰迦羅蒼也

玉東西

王岐公宮詞碧桃花下試枰碁誤算籌先一著低輸却鈿釵雙翡翠可勝重勸玉東
 西曾南豐集齊地寒甚夜霧凝於木上飄滿階庭尤為可愛遂作詩曰園林初日靜

無風霧。淑花開樹樹同。記得集英深殿裏。舞人齊插玉瓊鬆。開禧間韓侂胄以用兵啓釁中外。憂憤史彌遠定計。擁至玉津園側殺之。高九萬有詩弔之曰。拂曉官家簿錄時。未曾吹徹玉參差。傍人不忍聽鸚鵡。猶向金籠喚太師。元張思廉太真明皇並笛圖。黑奴絃索花奴鼓。諱奴撫掌閣奴舞。阿嬌自品玉瓊瓏。御手夷猶親按譜。玉東西玉瓊鬆。玉參差。玉瓊瓏。各皆雅。可對金跳脫。錦屠蘇。銀鑿落。玉太古。金叵羅。玉道遙。紫都勝。銀含稜。紅叱撥。金腰褭。金僕姑。綠莊嚴。紫風流。廬山僧舍。有麝囊花一叢。色正紫如丁香。號紫風流。

麴塵絲

白居易詩。須教碧玉羞眉黛。莫與紅桃作麴塵。元稹詩。麴塵溪上素紅枝。影在溪流未落時。劉禹錫詩。鳳闕輕遮翡翠闌。龍池遙望麴塵絲。白詩。又有晴沙金屑色。春水麴塵波。湯添勺水煎魚眼。未下刀圭攪麴塵。元詩。又有紅羅著壓。逐時新。杏子花紗嫩。麴塵。楊巨源詩。江邊楊柳麴塵絲。温廷筠詩。一尺深紅勝麴塵。又。裊翠藏烟拂暖波。舞裙新染麴塵羅。稽含南方草木狀。鶴子草蔓生。其花麴塵色。周禮。皇后六服有鞠衣。鄭玄注。鞠衣黃采色。如麴塵。蓋淡黃色也。

芙蓉命名最多

芙蓉蓮花也一名荷一名芙蕖一名菡萏根為藕莖為茄葉為蕝實為蓮蓬心為么

荷又為菡萏又為蕝命名最多而取象亦廣有芙蓉峯山在衡芙蓉嶺在婺芙蓉渚地名芙蓉

蓉城所居芙蓉崗在韶州芙蓉江在靖州芙蓉洞在福州芙蓉堤在濟南芙蓉橋在濟南曾芙蓉

蓉溪在羅紋山芙蓉亭芙蓉郭唐詩十里芙蓉村芙蓉村楊鐵崖有芙蓉村詩芙蓉縣安南縣名芙蓉

蓉驛在雁芙蓉山唐劉長卿有芙蓉水亂馳芙蓉水張昌宗詩折芙蓉池魏文帝亦有詩芙蓉

沼李懷遠詩前芙蓉園漢時園在洛芙蓉浦張昌宗詩折芙蓉館芙蓉館石曼卿為芙蓉閣

王維詩芙蓉芙蓉殿魏時建唐詩芙蓉艦見三十芙蓉觀在福州芙蓉院在福州芙蓉

堂六朝有芙蓉苑芙蓉死唐詩在芙蓉溼文簡程芙蓉樓京口城西芙蓉樓舒生遇女子歌

肅有芙蓉壁唐詩雲橫芙蓉塔古塔芙蓉閣芙蓉閣金陵有芙蓉閣芙蓉島舒生遇女子歌

芙蓉暹在嶺南芙蓉波李賀詩曲芙蓉波芙蓉城在連城芙蓉障庾肩吾游仙童子芙蓉劍

造芙蓉冠仙人衛冠芙蓉燈西京丁芙蓉楫芙蓉楫上芙蓉楫芙蓉梁溫庭筠詩芙蓉枕

孟浩然詩漸看芙蓉帶文芙蓉車曹植詞芙蓉芙蓉湖宋胡宿有芙蓉臺芙蓉臺福寧有

芙蓉漏遠公第芙蓉粉薛濤芙蓉香見葉廷芙蓉巾太玄玉女戴芙蓉旂韓退之詩

旂芙蓉幢庚辰吾啓隱芙蓉丹庚辰吾啟芙蓉髻魏文帝令宮芙蓉盃王摩詰詩買

芙蓉襖蔡天錫詩芙蓉菊見前芙蓉脂芙蓉脂肉芙蓉鏡李固言芙蓉鏡下及第芙蓉幕王儉芙蓉

匣何都巡古鏡匣芙蓉帳唐詩芙蓉帳裏奈君何芙蓉褥杜詩芙蓉隱芙蓉裳楚詞集芙蓉砂

砂大者為芙蓉芙蓉湯芙蓉湯之見遺生八箋芙蓉酒芙蓉之十酒芙蓉面唐詩芙蓉如笑

蓉顏古詩嬌顏千歲芙蓉色芙蓉姿美人出南國芙蓉質芙蓉腮唐詩芙蓉花芙蓉

衫小袴謂之芙蓉衫芙蓉鷗隋宜者劉繼詮獻芙蓉屏小說有芙蓉屏記芙蓉府劉夢得詩歸以

上八十餘種其他花木未有及此者也

折計數目語

史傳間有折計數目語如七八五十六見馬融傳三七二十一見蘇秦傳九九八十

一見國策顏率語五七三十五見通典六六三十六見魚經三九二十七七九六十

三三八二十四四八三十二俱見齊書七九六十三八九七十二見考異郵八八六

十四見漢書律歷志五九四十五五為音四九三十六六為律見家語又杜預左傳

八侑注有八八六十四人六六三十六人四六二十四人晉灼注漢志亦有二八十

六三四十二六八四十八八六十四之語朱子繫詞注四九三十六四七二十八

十

四八三十二。四六二十四。又吳下田家志。有一九二九相喚不出手。三九二十七。雞頭吹簞。集四九三十六。夜眠如鷺宿。五九四十五。太陽當門戶。六九五十四。貧兒爭意氣。七九六十三。布衲兩頭擔。八九七十二。猫兒尋陰地。九九八十一。犁耙一齊出。用修曾引之。又三夏以后語。一九二九。扇子不離手。三九二十七。飲水甜如蜜。四九三十六。拭汗如出浴。五九四十五。頭帶黃葉舞。六九五十四。乘涼入佛寺。七九六十三。牀頭尋被單。八九七十二。思量蓋夾被。九九八十一。家家打炭塹。見宛委編。一年三百六十日。見施肩吾詩。十年三千六百日。見北齊謠言。百年三萬六千日。見李白詩。

文海披沙。今文書一字至十字。皆用同音畫多者。以防作偽。其中壹貳音義俱同。肆伍陸玖拾。音同義異。參字字書所無。蓋以參字微變之。古語勿貳以二。勿參以三。考工記。參分其股。漢志。參分橫一。則參亦可作三也。杀字亦無字。按東晉賦。朝列九鼎之奉。夕宿秦城之房。秦即古七字。太玄七政。亦作秦政。奈何不作秦乎。捌字見急就章。農器也。

楊用修謝華啓秀。以佛書心竅九百六十。對醫書毛孔八萬三千。又以天皇萬八

千歲對 錄七十二君。又以南朝四百八十。對北魏一萬三千。俱寺數也。又以盛
弘之荊州記。瞿塘一千二百里。對米莊峽。程記荊門四百五十灘。

陳心叔字略。一或作弋。又作督。又壹作壺。又作壺。又作壹。並古。二古作式。又貳一

作貳。一作威。並古。六一作矣。一作戔。並古。七一作柒。一作柒。並俗。四一作三。又作

咒。又作凶。又作咒。並古。肆一作肆。又作擊。又作轟。又作緣。又作彘。並古。

空同子曰。時甲子五日一周。周六而成月。月甲子兩月一周。周六而成歲。歲甲子

六十歲一周。周六而為三百六十。保虫三百六十。毛虫三百六十。羽虫三百六十。

介虫三百六十。鱗魚三百六十。皆六之則也。木水用陽。六甲六壬。火用六丁。而土

金不用。

石刻古文

司馬季德碑。釋文云。自三蒼滂喜亡。李斯作蒼。頡篇。楊雄作訓。纂篇。貫魴作滂。喜篇。名曰三蒼。漢章帝時。郎中以隸字寫三蒼。隸法。

始小學不絕如綫。字書行於今者。篇莫加於類篇。韻莫善於集韻。所載隸古。以石刻

校之。則擴擴尚多。脫畧。隸法皆以悠作悠。此碑又省作悠。稽之篇韻。咸無焉。耶因論

此擬急就一章云。滴喜悠悠。獸察繼。滂喜悠悠。獨無繼。出袁良孫叔。故司馬君鄭因對寬。楊厥碑。隸漢乖離。男束

此隸法亦難訪中世出繁陽令無極山
張納孔既素達成伯著當春丞碑
聘異畢新隄步當
楊著韓勅孔既繁陽令成

伯著樊
斷據盈藉載蘭威
斷據圖籍載一二出楊版孟郁
氏義農出費汎邦

堯禹
邦舜禹出鄭固
終替龔
孔謙楊著碑
陳郢魯
孔宙袁良碑
堯暴癩
劉暴癩

孔宙郭禽
禽霸楚出孔既
晏宇返
孔既靈臺碑
啓望昨
周操既睦碑
聿憂

劉寬
泉夔葉出范鎮
晏歿
朝劉聚出楊版
殊葉龍
解葉曹出逢童華
衷盂呂
出王純

景詔者
秉奠禮
秉典禮出帝堯
垂律度
出孔既
侯術顯
儒術顯出魯峻
射祿

屢
口祿屢出熊君
鳳雲霜露星電燿
風雲霜露星電禪
出夏承郭仲
壺邊壺光璵鼎

蘇
蓋邊壺咒璵鼎羹出孔宙
黍稷香韻慶血撒
出三公山
滌禱強

盧響
二孔彪帝堯孟郁孔和碑陰
馬獸晉魴鳩麟龜
樊喜唐公房靈臺唐扶孔

宙成伯
道邊道達過道
道邊通達過隨出高彪劉修
淵深闕真表出心
淵深闕奧

袁良孔謙吳公韓勅
凡此之類皆非假借字書所不應棄
蔡伯喈奉熹平之詔列

鴻都之碑
晚學成所取
正未嘗一字好奇也
今之書者事不師古
乃緣手隨筆變點

畫
篡偏旁以取異尚怪為能
間有所據不過魏晉以後字體爾
此膏肓之疾也

奕基

博物志云。堯造圍碁。丹朱喜之。彼王中郎之坐隱。支道人之手談。雅語也。尹文子之喻音。劉中壘之兵法。正語也。杜夫子之神聖。教班蘭臺之象地。則效天文。通王道。夸語也。若奕之有品。啓自劉宋。盛於秦始。至宰相論評。人主制決。噫亦盛矣。古善奕者。孟氏稱奕秋。西京雜記稱杜夫子。吳錄枹朴子稱嚴子。卿馬綏明。漢末馮翊山子道。王九真。郭豐善奕。曹太祖皆與爭能。晉季敬豫與濟陽江霏。為中興士大夫第一。是時北燕羅騰獨步。當時北平樂抄。繼起齊名。迨宋文帝酷有斯好。羊玄保至以賭得宣城郡。其品第三吳郡褚胤。七歲入品。及長冠絕。當時坐從父崇期。反累死。何尚之特以絕藝為請。嗣是湘東王用建安王休仁。為圍碁大中正品。彭城王抗第一。會稽褚思莊。夏赤松次之。但抗神速。思莊巧遲。抗取勢。赤松圍子。微有異耳。魏有范甯。兎偕使者。李彪來復一戰而勝。王抗。梁武帝用湘東例命。到溉。朱异。司其凡。而沈約為之序。當時如宋之徐羨之。羊玄保。何尚之。齊之蕭曄。子良。柳世隆。憚及溉。异輩。皆為士大夫。錚錚。唐之奕。以開元王積薪為第一。得法於孤山老姥婦姑。又有待詔滑能。品最高。至為上帝所取。顧師言大中初。行子至三十三卷。勝神頭國玉。本國玉。一曰日鎮神頭。勢今尚在宋興品高者。為江右劉仲甫。積薪之時。有李憇。角。仲甫時有王憇。子角。然李

慙見輕而王慙見忌最後三衢祝不疑高仲甫一道許河東晉士明高仲甫兩道許明興江陰相子先稱國手靳人樓得達勝之又有一遊僧亦勝之正德中李文正東陽楊文襄一清喬莊簡字諸公皆好奕而四明范洪重洪之後永嘉鮑一中重鮑生晚不及與洪角而格勝之其郡李冲晚出遂與鮑雁行周源又晚出於李徐希聖又晚出於周皆駁駁角鮑此所謂永嘉派也發汪曙不及鮑者一子程汝亮晚出勝之此所謂徽派也顏倫善決局不差一道足跡徧天下無能當者而李奎時養晚出遂與之角倫護名不復肯應乃游吳中此所謂京師派也今後進中閩有陳生蔡生越有岑生楊有方生鼎立

碁訣卞子京遇碁仙東帶拜金鑄紫堂仙仍坐於席上勝克之利萬不失一止戈集人能盡數天星則徧知棋勢

程氏演繁露圍碁十九道合秤為碁子三百六十一而李善註韋昭博奕論枯碁三百引邯鄲淳藝經曰碁局縱橫各十七道合二百八十九道白黑碁子各一百五十枚則漢碁十七道也唐柳子厚記石碁局自然成文十有八道可奕是唐奕十八道也

集異記。王積薪蜀中夜聞孤姥婦媳奕名鄧艾開蜀勢杜陽篇顧思顏三十三下。勝日本國王子。號鎮神頭勢。

僧一行。本不解奕。因會燕公宅。觀王積薪一局。遂與之敵。笑謂燕公曰。此但爭先耳。程明道觀國手奕碁。便能對局。曰。此河圖數也。

象戲

象戲為周武帝造。按後周天和四年。帝製象經成。殿上集百寮講說。隋經籍志。周武帝象經。王褒註。王裕註。何晏註。又有象經發題義。據御覽所載。一天文。二地理。三陰陽。四時令。云云。似與今象戲不侔。惟唐玄怪錄所記岑順夢有金象將軍。與天那賊戰。馬斜行三路。卒橫行一路。須臾車進。砲石亂下。後家人發掘東壁下。乃古冢。有象戲局。車馬具焉。此雖文士寓談實類。今時象戲。至宋晁無咎。更為十九路。用子九十。今司馬溫公七國碁。縱橫十九路。周處中并四路。其譜尚傳。雖名象戲。實圍碁局耳。庾信有象戲賦。又有進象經表。詳其文義。與今象戲迥然不侔。

投壺百嬌

玉女投壺。每投十枝。百二十梟。設有出不入者。天帝為之擊噓。梟一作嬌。神異經。東

王公與玉女投壺千二百嬌。嬌音尻。楊大年詩。書題柱史藏三尺。壺矢誰同賽百嬌。謝無逸詞。雙檠枕百嬌。壺雜藝編。投壺實以豆。恐大矢躍也。今則以躍為貴。謂之驍。有倚竿帶劍狼壺豹尾龍首之名。其妙者有蓮花驍。西京雜記。郭舍人一箭能七十餘驍。顏光祿載汝南周璜會稽賀徹並四十餘驍。古傳投壺之工者。王胡之閉目。賀革置障。石崇妓隔屏風。薛眷或背坐反投而無不中。今之投壺名最多。有春睡聽琴。倒插卷簾雁啣蘆翻胡等項。不下三十餘種。

格五

漢吾丘壽王以善格五召待詔。註云格五。簷也。說文曰。行碁相塞謂之簷。鮑宏簷經曰。簷有四采。塞白乘五是也。乘五至五即格。不得行。故云格五。塞先代反。又世俗有蹙融之戲。謂以奕局取一道。人各行五。碁即所謂格五也。唐資暇集。謂融宜作戍。此戲出於黃帝。蹙融意在軍戎也。又引庾元咸言。蹙戍者。即今之蹙鞠也。其說甚佳。然謂出於黃帝則誤。東方朔傳。郡國狗馬蹴鞠。劍客輻輳。童氏漢書枚皐傳。蹙鞠刻鏤。又霍去病傳。尚穿域蹋鞠。劉向別錄。作蹋鞠。顏師古注云。鞠以革為之。中實以毛。蹙蹋為戲樂也。徐堅云。鞠即古毬字。則蹙鞠非蹙融明矣。西京雜記云。漢成帝好蹙鞠。

羣臣以慶鞠為勞體非至尊所宜家君作彈碁以獻又唐薛嵩好慶鞠劉銅勸止之曰為樂甚眾何必乘危皆謂慶鞠為勞動則明知非慶戎也

六博

古樂府井公能六博玉女善投壺蓋因井星形如博局而附會之曹子建詩仙人攬六著對博泰山隅齊陸瑜詩九仙會歡賞六博具娛神王子深詩誰能攬六著還須訪井公庾子山藏書凡幾代看博已千年陳張正見詩已見玉女笑投壺復覩仙童欣六博蓋三代已有之大博則六著小博則二莞其法今不傳矣魏晉時始有五木之名梟盧雉犢塞也其制亦不可考但史載劉裕與諸人戲餘並黑犢以還劉毅擲得雉及祐擲四子皆黑一子跳躍未定裕厲聲喝之即成盧又曹景宗擲得盧遽取一子反之曰異事遂作塞則盧與犢塞皆差一子耳大約黑而純一色者為盧相半者為雉黑而有雜色者為犢塞以今骰子譬之則渾四為梟渾六為盧四六相半為雉其他雜色則犢塞耳今之樗蒲朱富云起自宋沙除紅譜一云楊廉夫所作然其用有五子四子三子之異視古法彌簡矣按國史補洛令崔師本好為古文樗蒲其法三分其子三百六十限以二關人執六馬其骰五枚分上為黑下為白黑者刻二

為瀆白者刻二為雉擲之全黑乃為虛其彩十六二雉三黑為雉其彩十四二續三白為犢其彩十全白為白其彩八四者貴彩也開為十二塞為十一塔為五禿為四梟為二板為三貴彩得連擲得打馬得過關餘彩則否新加進六兩彩

白打錢

白打戲名王建詩寒食內人嘗白打庫中先散與金錢韋莊詩內官初賜清明火上相聞分白打錢按白打徒搏也武藝共十八般一弓二弩三鎗四刀五劍六矛七盾八斧九錢十戟十一鞭十二簡十三槁十四叉十五叉十六杷頭十七綿繩套索十八白打

長行

國史補云今之博戲有長行最盛其具有局有子黑黃各十五擲彩之戲有二其法生於握槊變於雙六天后嘗夢雙六不勝狄梁公言宮中無子是也後人新意長行出焉又有小雙六圍透大點小點遊談鳳翼之名然無如長行也監險易者喻時事焉適變通者方易象焉王公大人頗或耽耽至於廢慶弔忘寢食及博徒用之於是疆各爭勝謂之揀零假借分畫謂之囊家什一而取謂之乞頭有通宵而戰者有破

產而輸者其工者。近有譚錫雀師本首出圍碁。次於長行。其工者。近有葉廷祐楊茂首出。如彈碁之戲。甚古法。雖設解有為之。其工者。近有吉達高越首出焉。按右李肇所言。則唐之長行。正與今雙陸合。而李以為生於握槊。變於雙陸。則唐之雙陸。或反與今不同。而洪氏譜雙合而為一。尚似未妥。總之三者。亦小在全異之間。非必相懸絕也。迺唐人長行之戲。至盛於圍碁。則理之不可喻者。彈碁第聞漢晉間。據此知唐人亦能之。椰子厚彈碁說。今載圍碁譜中。非也。

六赤

李洞集有贈龍州李郎中。先夢六赤。因打葉子詩。紅蠟香烟撥畫楹。梅花落盡度樓清。光輝圓魄脚山冷。彩鏤方牙著腕輕。寶帖牽來獅子鎮。金盆引出鳳凰傾。徵黃喜兆莊周夢。六赤重新擲印成。六赤者古之瓊爰。今之骰子也。唐人骰子凡四點。當加緋者。或筭相思子。溫庭筠詩。玲瓏投子安紅豆。入骨相思知也。無并四枚。嵌一面。則唐投子將近方寸矣。與今稍不類。又今骰子么四皆緋。宣室志。東都空宅。張秀才夜深。敬枕有二物。展轉地上。每一物各有二十一眼。內四眼刻如火色。相馳逐。明日搜之。得骰子一雙。則古時第四為緋耳。萬花谷。古者飲酒擊博。其形似箭。長五寸。其數

六刻以牙為之頭類鶴故名六鶴齊飛宋齊以降有骰子之制即六鶴之變也劉禹錫觀博序主人陳握槊之器於廡下有博齒其製用骨觚稜四均鏤以朱墨耦而合數以骰子為博齒其名甚新胡應麟曰今骰子六面二十一點正與唐金或笑骰子既方安得無六面者是不知外國骰子有四面而無么六者見洪氏譜雙又有二面者古五木皆骰子類也不知起於何時或謂列言投瓊孔稱博奕然穆天子傳王與井公博又在孔列之先潘氏紀聞骰子飾四以朱者因明皇與貴妃彩戰將北惟重四可轉救為勝上擲而連呼叱之骰子宛轉良久而成重四上大悅顧高力士令賜四緋因之遂不易清異錄博徒隱語以骰子為惺惺二十一唐宋居士說擲骰子咒云伊帝揭帝彌揭羅帝念滿十萬遍彩隨呼而成

葉子

咸定錄云唐李郃為賀州刺史與妓人葉茂連江行因撰骰子選謂之葉子咸通以來天下尚之不知正應本朝年祚正體書葉子乃二十世李自武德至天祐拾二十世鄭氏經籍目篇金葉子格一卷新定編金葉子格一卷俱不題撰人姓名又有擊蒙小葉子格一卷題李煜妃周氏撰彩選格則有骰子選格二卷漢官儀彩選格一

卷新彩選二卷。文武彩選尋仙彩選諸格。自為類歸田錄云。葉子格自唐中世有之。說者云。因人有姓葉號子青者。撰此格。因以為名。此說非也。唐人藏書皆作卷軸。其後有葉子。其制似今策子。骰子格。本備簡用。故亦以葉子寫之。今其格世或有之。而人無知者。按李易安打馬序云。長行葉子。博塞彈碁。世無傳者。藏酒檮蒲。雙慶融。今漸廢絕。大小象戲奕棋。止可容二人。獨彩選打馬。特為閨房雜戲。常恨采選叢繁。勞於簡閱。能通者少。難遇勁敵。打馬簡要。又苦無文。據此。則葉子與采選迥然不同矣。然李稱采選叢繁。難遇勁敵。而房千里。骰子選格序。稱以穴駱雙雙為戲。更投局上。以數多少為進身。職官之差。又似今之升官圖。何也。

六么

碧溪漫志。六么一名綠腰。元微之琵琶歌。逡巡彈得六么徹。霜刀破竹無殘節。沈亞之歌者乘記云。合韻奏腰。又誌盧金蘭墓云。為綠腰玉樹之舞。唐史土蕃傳云。奏涼州胡渭綠腰雜曲。段安節琵琶錄云。綠腰本錄要也。樂工進曲。上命錄其要者。白樂天楊柳枝詞。六么水調家家唱。白雪梅花處處吹。又樂世篇。管急絃繁拍漸稠。綠腰宛轉曲終頭。誠知樂世聲聲樂。老病人軀未免愁。註云。樂世一名六么。王建宮詞。琵琶

琶先抹六么頭。然則六么綠腰。蓋同義而字偶別用耳。

彈碁

王建宮詞。彈碁玉指兩參差。階局臨虛闔。著危先打角頭紅。子落上三金子半邊垂。彈碁兩人對局。白黑碁各六先。列碁相當。更相彈也。西京雜記。成帝好蹴鞠。羣臣以蹴鞠為勞。劉向作彈碁。以獻帝。大悅。賜青羔裘。紫綺履。彈碁經序。則以漢武帝好蹴鞠。而東方朔上彈碁焉。世說。魏文帝於此伎特妙。用手巾拂之。無不中者。有客自云。能帝使為之客。著葛巾拂碁。妙逾於帝。呂進伯謂其形似香爐。然中央高。四周低。與香爐全不似也。弘農楊宰六歲詠彈碁局云。魁形下方。天頂突。二十四寸窗中。月其製方二尺。有四寸。其中央高者獨圓耳。

累碁蠟鳳

陸儼山曰。古之檮蒲。陸博。今皆不傳。漢魏所尚彈碁。今亦不復見。滕元霄自敘。少時以累碁蠟鳳為戲。不知所謂蠟鳳者。又何事耳。黃山谷小詞。又有打揭之戲。至謂小五出來。跋翻和九。若要十一。花下苑管十三。不如十二。似有譜者。雖無益之事。覽之茫然。殊以博洽為媿。又今人以雙陸子壘高為勝。王建宮詞有云。分明閑坐賭櫻桃。

休却投壺玉腕。各把沉香雙陸子。局中鬪壘阿誰高。

打馬

李易安云。打馬之戲。與握槊兩相似。但彼雙則不擊。而此多逢寡即擊。如疊至十九馬。而過二十馬。即被擊矣。一夫當關。則他騎不能過。又可以反而擊人之單騎。行至函谷關。則非疊十騎不能過。至飛龍苑。則非二十騎不得過。非正本采不得行。而臨終尚有打整一局。所謂行百里者。半九十也。此戲今不傳。

握槊

握槊博塞也。韓文恭樂以相娛。恭為子樂為局。一曰棋圍。恭也。奕也。槊。握槊即今雙陸也。續事始謂陳思製。洪遵譜雙謂北史胡王弟為握槊之戲。洪以握槊長行波羅雙陸四名為一。恐未然。唐人小說近有長行之戲。生於握槊。變於雙陸。則握槊非雙陸矣。

四維戲

四維戲者。衛尉掣侯所造也。畫紙為局。截木為棊。收象元一分而為二。立太極之正。繞班五常之列。位剛柔異而作配。趨舍同而從類。或盤紆詰曲。連延絡繹。或間不容

髮含碁則獲圍成未合驕碁先出九道並列專都獨畢見東晉李尤賦又有夾食二人黃黑各七十碁橫列於前第四道上甲乙迭推二碁夾一為食見藝經又惰悶先悶其位以十二時相從文曰同有文章虎不如龍豕者何為未如兔宮王孫盡分乃造黃鐘犬往就馬非類相從羊奔蛇穴牛入雞籠亦見藝經又儒碁後魏侍中游藝肇性謙不競造儒碁其法知一禮二仁三義四智五信六白黑半方五分長寸善六敬七德八忠九順十方局尺五周道四十其用三十六四維之道通而碁謙退為上見後魏書

唐人戲劇

唐人詩中往往有紀當時戲劇如弄鉢頭張祐詩曰兩邊角子羊門裏猶學容兒弄鉢頭長竿張祐詩曰傾城人看長竿出一技初成趙解愁劉晏詩惟有長竿妙入神柁舞張祐詩曰柁手便拈金柁舞上皇驚笑悖兒兒熱戲枯詩熱戲爭心劇火燒銅柁暗執不相饒弄老人顧况詩此生不復為年少今日從他弄老人弄卻翁伯盧綸詩何須更看卻翁伯即我此身如此人簸錢王建詩曾向玉花階上坐簸錢贏得兩三籌宮碁建詩宮碁布局不依經黑白分明子數停巡收張籍詩趁行移手巡收盡

數數看誰得最多。弄參軍。薛能詩。此日楊花初似雪。女兒弦管弄參軍。弄化生。能詩。芙蓉殿上中元日。水拍銀盆弄化生。弄獼猴。羅隱詩。何如買取獼猴弄。一笑君王便著緋。

金龍戲格

郝冲上官儀虞譚法。各有投壺經。張承賦有投壺圖。卜恕有投壺新律。司馬光有投壺新格。王超有投壺禮格。劉仁敏有傾壺集。徐泓王子冲沈敞。及晉趙王舍人馬朗。各有棋勢。梁武有碁評。柳惲有天監碁品。范汪有圍碁九品序錄。韋珽有碁圖。有奕碁經。有碁經要略。劉仲甫有忘憂集。張學士有碁經。唐績有碁圖。徐鉉有碁圖義例。有碁勢。楊希璩有四聲角圖。宋太宗有碁圖。邵綱有博塞經。魏文帝有皇博經。鮑宏有小博經。隋煬帝有二儀博經。呂才有大博經。董叔經有博經。周武帝王褒何晏有象經。王裕有注象經。尹洙晁補之有象戲格。司馬光有古局象棋圖。盧還京有檮蒲經。王子京有檮蒲經。唐李翱有五木經。梁冀有彈碁經。魏丁虞有彈碁賦。徐廣有彈碁譜。張柬之有彈碁經。王子京有彈碁圖。有雙陸格。張直佐有打毬儀注。查同章有打毬要略。唐李邵有穀子彩選格。宋劉蒙叟有彩選格。有尋仙彩選。楊億有文班彩選。

格。趙明遠有皇宋進士彩選。尹洙張訪有宋朝文武彩選。王慎修有宣和彩選。洪濛子有選仙格。又有選佛圖。偽唐李後主妃周氏有擊蒙小葉子格。有偏金葉子格。有小葉子例。劉蒙叟有葉子格。謝景初宋迪有打馬格。李易安有打馬圖。朱河有除紅譜。顧若溪有牌譜。袁太冲有冊陣篇。通志又有趙昌言捉卧甕人格。曹氏樽蒲滿席歡。又有旋幕格。謀戲格。釣鰲圖。採珠局格。金龍戲格。玉燭詩。款飲集。改令式。盡歡格。角力記。

玉芝堂談薈卷三十二

姑蔑徐應秋君義父輯

淮北多獸

詩詠關雎脊鴿。易著羝羊羸豕。或見鳥飛而制舟。或法螺閉而缺戶。皆洞察鳥獸草木之性情。以成擬議。余見諸書。設物理者。彙識之。淮北多獸。江南多禽。湖廣多魚。雲南多花。廣西多樹。川蜀多藥。山東無虎。浙江無狼。廣東無兔。蜀無兔。鶴。滇州寶珠寺。荊州江李姥浦無蚊。蚋。朱提以南無鳩。鵲。江南無野狐。江北無鷓鴣。環慶無麥。秋大梁無螢。無寒蟬。包山舊無三班。謂蛇虎雉也。貉不踰汶。狐不渡江。鸚鵡不踰濟。豕剛鬣而喜雨。羊柔毛而畏露。蛤蜊候風雲。能以其殼飛。烏鰂遇風波。能以其鬚。矚鳥龍喜雪。犬也。丈人喜月兔也。風獸兆風。聞鱗之獸見。則天下大風也。火獸兆火。移即之獸見。則邑有火災也。水獸兆水。軫軫之獸見。則天下大水也。龍能變水。人能變火。龍不見。石人不見。風魚不見。水鬼不見。地羊不見。雨狗不見。星水蠶不知寒。火鼠不知熱。夢虫不知苦。糞蛆不知臭。吳牛喘月。蜀犬吠日。菘知天。蟻知地。霧滄而蟹螯枯。露下而蚊喙折。月虛而魚腦減。月實而豕膚粟。將雨而鳥翅重。感雪則蝗子沉。龍噓氣成。

雲。蜃噓氣成樓臺。蝦蚶噴水為電。海鯨噴沫為霧。龍珠在鏡。蛟珠在皮。蛇珠在口。魚珠在眼。蚌珠在腹。嗽金鳥如雀而吐金。藏珠鳥如鳳而吐珠。易定之水馬吐珠。劉張之苑羊吐珠。雷煥之劍化龍。陶侃之棧化龍。荀季和之琴化龍。日林國之釵化龍。史生之紅葉化龍。元妃之玉尺化龍。鳳火精也。止鳴曰提扶。行鳴曰歸嬉。飛鳴曰即都。夜鳴曰善哉。晨鳴曰賀世。小音鐘。大音鼓。麟木精也。牡鳴曰逝。聖牝鳴曰歸和。夏鳴曰扶。幼秋鳴曰養。綏虫莫神於龍。龍之鱗九九陽數也。鯉為魚之主。鯉之鱗六六陰數也。麟前鹿后。蛇頭魚尾。龍文龜背。燕頰雞喙。五色畢備。天老之言鳳也。雞冠鸞喙。蛇頭龍睛。鵬翼魚尾。鴻前麟后。鶴頰鴛臆。韓詩外傳之言鳳也。角浪凹峭。目深鼻豁。鬣尖鱗密。上壯下殺。未火燁燁。雄龍狀也。角靡浪平。目肆鼻直。鬣圓鱗薄。尾壯於腹。雌龍狀也。狼題肉角。含仁懷義。音中鐘呂。步行中規。折還中矩。遊必擇土。翔必後處。不履生虫。不折生草。不羣居。不旅行。不入穿隘。不羅罔罟。廣雅之言麟也。大腹無雄。龜鼈類也。與蛇通氣。則孕細腰無雌。蜂類也。祝桑虫成子。鶻喙槐實而結玉於腦。麝咬柏葉而結香於臍。鹿戴玉而角班。魚懷珠而鱗紫。甲虫影伏。羽虫體伏。鶴影生。鸞思生。鶴影抱。蝦蟆聲抱。鶴以聲交而孕。鶻以意感而孕。蝴蝶絡緯。皆以鬚交而孕。鶻

雌以足交而孕。騰蛇聽而有孕。白鷺視而有胎。烏傳涎而孕。鰻魚影漫鱧而生子。兔望月而孕。其實雌蝻雄毫。孔雀聞雷而孕。其實雌接雄影。獸以吐而生者。兔。鳥以吐而生者。鷓鴣。虫以吐而生者。蟾蜍。逐月有子者。鵠。四時有子者。雀。孚化者。鷺。以夏。蚌以秋。雞二十日而化。鷺三十日而化。胎生者。鼠一月。猫二月。犬三月。彘四月。猿兔五月。鹿六月。虎七月。馬十二月。瑤光之鳥千歲而孕。象三歲而一生。羊一歲而三生。獸不再交者。虎也。鳥不再交者。鴛鴦。介虫不再交者。瑋瑁也。羽虫之螫者。鶯燕也。毛虫之螫者。熊黃鼠也。鱗虫之螫者。龍蛇也。介虫之螫者。龜鼈也。食苗心螟。食葉蠖。食節賊。食根蠶。龍卵生而風化。虱氣化而卵生。雀浴沙而交卵。鼈隔津而望卵。龜龜相顧。神交也。鶴鶴相啜。氣交也。蝮蛇生坼。副母腹。寒螿生坼。裂母背。搏蛇目在背上。抱鴉目在腋下。龍馬翼在髀。鯨翼在膊。乘黃角在背。蜉蝣蝓蝻翅在甲下。騶虞尾長於身。啄木舌長於喙。狻猊尾大於斗。鷓鴣胡大於囊。馬八尺為龍。牛七尺為特。羊六尺為羝。羝五尺為羸。狗四尺為羸。雞三尺為鶡。又八尺馬之龍也。一角羊之龍也。四距重翼。雞之龍也。鶴以怨望。鷓以貪顧。雞以嗔視。鴨以怒睨。雀以猜懼。燕以狂眈。鶯以喜轉。烏以悲啼。鶯以饑鳴。鶻以潔啖。梟以凶叫。鷓以愁嘯。鶻醜。剖母腹而生也。蠶醜。

奮好奮迅作聲也。強醜將以脚自摩將也。螽醜螿垂其腴也。蠅醜扇好搖翅也。蟻屬
卻行。蟹屬反行。魚屬連行。蛇屬紆行。象行先以鼻柱地。鸚鵡行先以口啄地。冠鳥性
勇。帶鳥性仁。纓鳥性樂。鳥鳴春。蟲鳴秋。獨鳴曉。驢鳴夜。蟋蟀鳴於朝。寒蟬鳴於夕。鶴
仰鳴晴。俯鳴陰。鳩雄鳴晴。雌鳴陰。雞啼早晴。啼晏雨。林鳥以朝嘲。水鳥以夜啜。鳥左
顧則怒作。右盼則喜。生飛而起。則俯左翼。飛而下。則仰右翼。霜傳僵枝。鳥以武生者
少。雪封枯株。鳥以文死者多。鷺鳥下擊。翅先左側。龜鼈布網。絲從右繞。蟻螻雨生。晞
陽則死。蝸牛濕生。升高而枯。鴟鳴在上。蛇盤不動。鵲鳴在上。蝟反不行。鳳生丹穴。鸞
生女牀。孔雀生南海。鷺生景山。鷓生鬱林。鷓生關西。鶴生崇吾山。比翼生三嵎。鸚鵡
生陝西。秦吉了生秦中。倒掛生嶺南。海東青生遼東。贛生西秦。象出交趾。狻猊出西
域。獾猛氏出蜀中。嘉魚出於丙穴。越王鳥出峯慶。魚無耳。蟬無口。馬無膽。獾無髓。羊
無神。蚓無筋。泥無骨。鳩無舌。蟬無口。猴兔無脾。蠶螢無胃。狸拂無尾。蟹蟆無腸。蛤蜊
無臟。鼯鼠無尾。蛙蝥無鼻。鳥無肺。虎無小腸。納無前足。一曰馬無胃。鼠無膽。獐與兔
俱無膽。鯪鯪魚無腸。雞無肺。蚓無心。蛤蜊無血。撞狐烏瞳子。其狀赤色。夜見晝不見。
人目中瞳黑色。晝見夜不見。犬馬瞳黃色。晝夜俱見。諸魚目中瞳眇。淚所覆。水見陸

不見人目中瞳人水泡所成陸見水不見龜鼈蝦蟆水蛭瞳人骨之所成水陸俱見
雉火畜也感於陽而有聲先鳴而後鼓翼雞木畜也麗於陽而後有形故先鼓翼而
后鳴鶴水鳥夜半水位故知夜半雞巽象日將臨巽位故鳴五更馬陽病則陰勝故
馬疾則卧牛陰病則陽勝故牛疾則立牛羊之齒有上而無下鴉趾有前而無後牛
目有豎瞳而無橫瞳無角者膏而無前有角者脂而無後馬陽之屬故起先前足卧
先後足牛陰之屬故起先後足卧先前足朽葦為螢敗葉為蝶腐草為螢腐菌為蜂
朽瓜為魚稷米為鯽芋根為鮑老鶉為鴛紺蝶為青蝦羊肝為地臯老韭為莧濕麥
化蛾朽木化蟬烏足之根為蟻螻蛄蟻為腹育腹育為蟬蠶為蛹蛹為蛾老踰為援
援為攫伯勞為龜龜為鴛鴦為布穀布穀復為鷓鴣為鵬蝶為蝶子子為蚊
免習為蟹鼠負為蠍水蠶為螭石首為冠鳧蝦蟆為鶴鶉黃魚為鸚鵡千歲之雉入
海為蜃百歲之雀入海為蛤春分之日鷹變為鳩秋分之日鳩變為鷹雉交不再雀
交不一狐不二雄鷹當十牝魚勞則尾赤鶴立則尾黑蝶交則粉退蜂交則黃退鷓
鴉飛先南翥謝豹啼常北向背明棲木性不向明龜蛇伏氣首皆向東鷺入夜而歌
鳳入朝而舞天勝之也乾臯斷舌則坐歌孔雀拍尾則立舞人勝之也猫以薄荷為

酒。雞以蜈蚣為酒。鳩以桑椹為酒。虎以犬為酒。蛇以茱萸為酒。兔食白蒿而仙。駢驢食菴藟子而仙。諸魚欲產而鮠魚輒舐其腹。大魚將死而印魚先封其額。蝮蝮蝮腹蟹蟹不歸而蝮蝮敗水母目蝦蝦驚而水母沉。蛇虺虺相須以生。寄居為蠶之奴而求食。蝶螈銜草以傳。蛇傷獺以猿為婦。豺以狗為舅。蜥蜴與龍為親。家馬與驢交。雉與孔雀及蛇為偶。龜亦與蛇為偶。鱗與魚游。貉與獾穴。麋與鹿交。麋蛾相為牝牡。餘鼈相為雌雄。蚯蚓與阜螽交。玄龜食蟒。飛鼠斷猿。狼蝨嗜鶴。青要食虎。伏鹿食龜。麋食虺。鴉食雀。鷄食雞。鵲食鴉。鷓鴣食駁。駁馬鋸牙食虎。豹蝟角食。即且即且食巨蛇。巨蛇食象。鴻鵠杞尾食短狐。癸食母猴。螢食蚊。蚋頭當掩。蠅度古掩。蚋象伏於鼠。牛死於鸢。鴛鴦提於海青。海青撲於燕。蠅使虎申蛇。令豹止鹿。制於犬。援伏於鼠。吼伏獅。鴉禦鷲。鳥驢交牛而駝。駒生驢。交馬而騾。生馬交驢而駃騠。生牛交驢而駢騾。生龍與牛交則生麟。與馬交則生驥。龍與豕交則生象。于闐鹿與駝交則生風。脚駝驢。虞與豹交則生碧芬。滇池神馬與家馬交則生駿。駒人順生草木。倒生禽獸。橫生胎生者。嚼咽而九竅。卵生者。齧食而八竅。水居者。腥。肉食者。臊。草食者。愚。鼈三足為能。龜三足為賁。三足之蟾氣中人。四足之蟹毒中人。中土有枳首之蛇。西方有

共命之鳥。東方有比目之鰈。北方有比肩之民。康居之雞。尾長五尺。東夷之羊。尾重七斤。海鳧。毛長三文。蛟蝶翅濶四尺。雕陵之鵲。翼廣七尺。麋四目。其目下二竅。為夜目。犀三角。其鼻上一角為食角。鹿初生。鼻邊有缺者。是雄。鶴初生。眼傍別有紅點者。是雄。鳥翼右掩左。雄。左掩右。雌。蜂尾有歧者。雌。銛者。雄。鷲者。斑。雌者。褐。猥者。黑。雌者。黃。雄赤為鶻。雌青為翠。鴿雌乘雄。鸞雌負雄。陽鳥之飛。頭伸而足縮。陰鳥之飛。頭縮而足伸。物食長。喙穀。食短。味山禽。尾長。味銳。而善啄水禽。尾短。味圓。而善啜。長脚者。多立。短脚者。多伏。尾近脚者。好步。脚近臆者。好躑。鷲鳥。雄小而雌大。庶鳥。雄大而雌小。鳥之雄。鷲於雌。獸之牝。猛於牡。胎生者。眼胞自上而暝。卵生者。眼胞自下而暝。濕生者。眼無胞。而不寤。化生者。眼無竅。而有光。食水者。耐寒。而善浮。食土者。無心而不慧。食木者。多力。而彘。食石者。肥澤。而不老。食草者。善走。而愚。食桑者。有緒。而蛾。食肉者。勇敢。而悍。食氣者。神明。而壽。食穀者。知慧。而夭。不食者。不死。而神。木犀接石榴。開花必紅。苦楝樹上接梅花。則成墨梅。柿樹接桃枝。則為金桃。桃樹接李枝。則紅。而甘。柿子接及三次。則全無核。以蓮葯投葭瓮中。經年移種。生碧花。桑上接梅。梅則不酸。桑上接梨。則脆。而甘。黃白二蕪。各披去一邊皮。用麻皮扎合。其花半黃白。穀樹

接桑其葉肥大梨樹接桑其葉脆美楊梅接桑則不酸觸露不槁葵日中不剪韭劇竹根以辰日捕魚蝦以亥日六畜不食胡麻蝗虫不害苴苗

天一地二人三。三三而九九八十一一主日數十日主人十月而生八九七十二。二主偶。偶以承奇。奇主辰辰主月。月主馬。故馬十二月而生。七九六十三。三主斗。斗主犬。故犬三月而生。六九五十四。四主時。時主歲。故歲四月而生。五九四十五。五主音。音主獲。故獲五月而生。四九三十六。六主律。律主鹿。故鹿六月而生。三九二十七。七主星。星主虎。故虎七月而生。二九十八。主風。風主虫。故虫八月而化。玄覽蜂無王而盡死。獾失偶而自刺。鴛喪匹則以思死。鰕貫其牡則其牝羸。赴而援之。象妬麝忌蛇。聲虎聽蝟。鈍狐疑棟。蜜苦。鯉膽甘。蟹血碧。龜目黃。蛟骨青。鳳骨黑。雀夕鷲。鷓畫盲。烏反哺。泉反噬。猓猓愛類。諫河惡類。雉上無尋。鸚上無丈。雉上有丈。鸚上有尺。

人氣粉屏

物性相制。有不可理測者。如人氣粉屏。戎鹽累卵。蠅點變白。麈尾留紅。羊脂柔銀。龜溺入石。蠟性解漆。仙方以蟹投於漆中。化為水。吸之長生。翡翠屑金。蟾肪劈玉。本草

以黑犬血灌之三日。燒之。諸鼠畢至。

一名蟾蜍其貼塗辰沙碎鐵鏡脂然鐵糝溺及羊頭骨灰消鐵神異經南方有獸名鑿大如水牛色如漆

其糞可作兵器其腸可消銅鏡物類相感志又入有花針入腹刺血盈盤以鑿腸服之其針消矣殺羊角五靈脂伏龍肝馬鞍草皆

縮質賀錫之美者鵲腦鶴糞化石獺膽分危鳳味續絃新灰拘駒燃柳殺雞磁石引針琥

珀拾芥死猫引竹崔遺枯木鵲梁蔽形游波泛海桐木生雲鮫甲引妳魃既裂毒豕

反傳漏硫孟毀熱犀毛止風張華感應志取黑犬皮并烏雞左翼孤搥息療七寡婦

令各持研朱施孤兒仰天說寡婦向地哭即雨止有大驗蠍蜈飛錢甘草硬角木賊軟牙雞糞化石阿膠止濁犀

株離濤敝單淡函石灰定醪薑磁免爆礮線不熱雄黃去蛇水銀去虱脰胸臍駭犬

金得伯勞之血則昏鐵得鸛鶴之膏則瑩石得鵲髓則化銀得雉糞則枯貂鼠之毛

得風則暖象牙之文應雷而生蚌胎之珠得月而盛牛魚之毛應潮而起莧菹可以

剖人羴羊可以碎金剛耳塞可粉石青海芋可變金白荅可血玉駝糞可殺壁虱黑

犬血可祛鼠鷺毛可辟水毒猴皮可辟馬疫栗木為關可遠盜青楊木為牀可祛蚤

夜明砂可辟蛟棟汁可去蠅獺爪治魚哽飛生之爪可下產難虎鬚治齒蝟皮治胃

狸頭愈鼠雞頭已瘰噤婁之木可擊魅天名精能起既剖之鹿蛇啣草續已斷之指

蝮虎頭骨於龍湫可以致雨瘞龜板於棗根可以召雷胡桃之券令雞夜鳴甄瓦之

吳投泉自止

以胡桃東南枝學之書券字記置之於雞樓下則夜鳴不止以竹虫飲

人

淮南萬華術注以竹虫三枚竹黃十枚和勻每用一大豆許燒入酒中令人飲之勿至大醉即問其事必得其誠也能探衷曲蛛網縫領可

辟健忘天雄蕞胎日行千里螳螂之氣含之出火丘蚓之塵背之起霧百勞所踏枝

鞭小兒能令速語鴛鴦之肉可諧反目螳螂所執之葉可以蔽形蝓蟻影目而出塵

沙鼠膽滴耳而愈聾疾麻得漆而涌桂得葱而軟樹得桂而枯龜得鑑而溺瑋瑋得

醢而甲脫雞卵聞磨聲則贖熊食鹽而死獼食酒而斃龜死於日光蠶死於隙光破

錫以菰畫暈以蘆洗油以蜜濯錦以魚煮羊以鼈煮鰲以蚊鵝飛則蠅沉鴉鳴則蛇

結猿啼則蕨生蠹辟於芸蠶生於蒿即且畏海苔鼈菴畏蔓菁結巾投地而免走箴

綴丹帶而蛇去薄荷憎油桐魚鳴鼓白蟻聞竹雞聲則化為水鰻魚之烟薰蚊蚋成

水鶴警鬼鷄鵲厭火孔雀辟惡鵲巢禳狐天旱以泥封楓人則雨埋丸石於宅四隅

植桃核七枚則鬼無能為殃石榴之實醉三尸拾櫬之木厭邪崇食鼠淚所滴之物

生黃疾踏雞子所遺之穀生白癬獾肉傷陽熊脂瘞陰水銀落齒鐳墨塗金瘡食孔

雀肉飲藥不能愈病狼烟薰之令人手攣縮孕婦見兔而子缺唇見麋而子四目食

棗令人齒黃烏米酒葱漿可化玉為粘玄明龍膏可液金成水包彤蛇黃可引銀為

丸火鼠之毛三寸為布而火浣不焚水蠶之絲五色為衣而入水不濡龍腦著孔雀
尾則相聚琉璃瑪瑙得南海自然反則軟而可刻椒欖落池中魚盡死番蕉以鐵釘
其根則盛海棠於冬至日以糖水澆其根則盛養骨入瓜則瓜盡壞唐鄧問大柿生
澁堅實如石以一模植置其中則紅熟爛如泥而可食金橘藏於菜豆中則經時不
變鹽酒蟹以皂莢半挺置其中則經歲不沙生人髮掛樹上烏鳥不敢食其實鰲果
樹納少鍾乳粉則子多且美柑樹為虫所食取螻窠於其上則虫自去取玳瑁甲帶
左臂上若飲饌中有毒甲即自搖動種藕以酒糟塗之則盛黃楊木以陰晦無一星時
伐之為枕則不裂種黍來蛇燒殺羊角及頭髮則蛇不敢來筍竹根多穿損塔砌惟
取皂莢刺埋土中除之則不過粟子於眉上擦三過則燒之不爆雞帶威喜芝則射
之不傷以社酒流小兒口中令速語社祭餘酒噴屋四壁可除蚊龜腸為燈置水中
見諸物服翼之血滴眼見夜中物鸛鷓目睛和人乳滴眼中能見烟膏外物蒼鷹之
精注眼見碧霄中物象胸前小橫骨反之酒服令人能浮水出沒丹魚之血塗足上
可行水上蒼血塗金丹以指物隨口變化狼糞黑犬皮焚之可召鼠狒狒血飲之可
以見鬼楓天棗置之槽則馬駭置之轍則車覆糊猴毛置之網四角則多得魚以鹿

胎香懸餌下網則萬魚畢聚鴻毛為囊渡江不漏車渠為盃酒滿不溢井口邊草止
小兒夜啼鵝脰血塗雞頭雞不能起僵蚕末塗馬口即不能齧人藿骨入沐湯中下
少許毛髮盡脫亦不復生犀角置狐穴中狐不歸牛膽塗熱釜釜即鳴馬尾犬尾合
置朋友夫婦衣中自相憎門冬赤黍蕙苾為丸令婦人不妬孝子衣灰傅面耐東家
雞栖木治失音鵠腦和酒令人健忘風生獸死後向風使活以石上菖蒲塞鼻則死
蚺蛇以婦人衣投之則蟠而不起龜見鏡中影即淫發而失溺橄欖為楫撥魚則浮
骨鯁以玉簪花根汁滴之則化魚食楊花則病牛羊驢馬諸乳置一器中以獅子乳
一滴投之悉化為水花菓樹如曾經孝子及孕婦手折則數年不著花魚遭鵠糞則泛
食雞鴨卵之黃則中寒而不予甜瓜生者以鱖魚骨挿頂上則蒂落而易熟桃樹社
日樁其根則結實牢橫公魚刺之不樁以烏梅二枚煮之則死蛇以桑柴燒之則足
見牛踐瓠苗則匏子苦桐花飼猪肥大三倍桃李蛀者以煮猪頭汁冷澆之即不蛀
種香草常以洗魚水澆之則香而茂雷火所及金石銷鑠而漆器不壞鮭魚塗樹立致
焦枯而灌以夫膽榮盛如故蜻蜓五月五日埋於戶下則化為青珠積艾草三年後
燒津液下流成鉛錫新造屋柱下四隅以敗扇埋其下蚊不入屋元旦雞鳴以火炤

桑樹無虫辰日將斧馭斫樹則結子不落以磚放石李樹歧枝多結子園圃四旁種
法明草蛇不敢入吸北方之氣噴筆端書欽深淵默漆五字置於牀帳之間則虱盡
除以黑犬血灌蟹三日燒之諸鼠畢集竹木刺入肉以羊糞燒灰和猪脂塗之自出
取蟹黃以塗久疽則立差為游蜂所毒以井泉調蚯蚓糞塗之則痛立止以胡麻麩
咬犬則光黑而駿使獵必大獲狐兔兼得三十餘歲麋裏以蛇蛻則彌香折梅花插
鹽中開花酷有肥態

梅液膠丹

格物博聞自古難之余前所談物理相制。如人氣粉屏之類竊謂稍詳今考椒目可
以來瀕構液可以膠丹。檉反可以鎔銅。地榆金鹽可以煮石。植楮可以已癩。辛苦可
以已瘡。文無已聾。躬餘禦火。犬菽礮蔗。岡桐槁荷。阿魏檣柚。醜草銷玉。皂莢碎鐵。鳧
茨腐銅。含桃來烏。樞梨來蜂。松柏來鼠。人子之藤。來象。降真之香。來鶴。蘇割刺之椒。
來鳳凰。都淋之藤。洩蠱。訶梨勒之實。化涎。無條毒鼠。葶寧毒魚。杏核毒豕。桂毒獼雞。
雞畏柳薪。河豚畏葭。艾狐畏鵲。頭海馬骨畏糟。石乳酪得狻猊之潼。則化為水。相思
子得酸則相趁。馬得僵蠶而甦。干支列宿之號。去天鳥狝血見鬼魅。龜脂察蛟螭。鱖

鯁拔刺。蛛絲去疣。蜘蛛畏蕪菁。羊畏躑躅。雲母制汞。修天拒火。紫背制金。淬鐵以膽。礬則變而為銅。燒銀以硫黃則化而為鐵。塗錫以水銀則腐而為泥。印毒之澗。產金剛馬。可以割玉。蕃磧之中。有聖鐵馬。可以辟兵。烏場之國。有消石焉。能消金石。為水滑石。可制雌雄黃。伏龍肝可伏沙而縮錫。石灰伏硫黃而制礪砂。曼陀羅花令人昏醉。決明實能令人跛。莨菪若令人見鬼。杏實能令人盲。芡實能令小兒弗長。燕糝貂鬣。集鼠胡桐之淚。針金銀。梳柳之材。斷石。鴉激矢。鷲毛。脫鷲居谿。益蕪除。燒雄黃致水。蟲磨鐵致蜈蚣。燒蟹集鼠。燒龜致蟹。莽草熏庶虫。蜃灰攻狸虫。牡鞠辟蠅。蠅。蕪荷叱。蠱茶。服解麥毒。蠟花解砒毒。甕菜解冶葛。石蓮別鹵。杉楊止酢。蔓菁殺蜘蛛。苦蕒之氣。敗蠶。冬藍消蠶。瘕。樞實粉。蕨。以此知多識未易言也。

猿臂通肩

物性有極異者。猿臂通肩。龜腸屬首。象口隱於頤。虎腎懸於腹。龍骨著舌而粘。蚌膽隨擊而應。浮水而走。鼠膽在首。殺之則有自死。則無。膚皮渡水。則紫。蜃灰沃水。則燃。狼駝之糞。烟直。龜鶴之溺。石透。取孔雀尾。持刀隱於叢。篁伺其過。急斷之。回頭一顧。金翠全無光彩。免望月孕子而口出。科斗聞雷。脫尾而足。生鮫魚之子。驚入母腹。

鷓鴣之子。飛銜母翼。鷲有勝。蟾有冠。螭有匡。范有綏。鴝有噴。吐綏有肉。角秦吉了。有黃肉冠。牛有黃。犬有竇。龍有尺水。虎有威骨。狐有媚珠。兔有建毛。鳥雀尾翼。上有肉穴。名脂瓶。每引嘴取脂。以塗翅毛羽。露澤雨露不能濡。孔雀尾端一寸名珠尾。象鼻端有爪可拾針。鶴左右脚裏第一指名兵爪。龍易骨。蛇易皮。蟹易蟻象。退齒。蟬退殼。犀退角。麝退香。鸚鵡摩其背而瘡。鸛鶴剪其舌而語。毒虺斷首。猶能聽以噬人。鯉魚斬其頭而乾之。去齒而更生。如此者三殺。龜肉懸桁間。見無人即垂至地。聞人聲則縮。狼作聲而諸竅皆沸。訓狐鳴而後竅應之。神蛇能斷而復續。馬螭中斷而首尾各行。鳳骨黑。蛟骨青。鱉血碧。鱖血玄。鳳肉味鱗。肉角麋肉蹄。鼯肉翼。蛟肉環。駝肉鞍。火龜遊煖。飛鼯食烟。風生積薪而不然。鴉鳥啄樹而火出。禍斗如犬。食火而遺燬。却火如雀。處火而散煖。厭火如獮而色黑。火出其口中。倭蚌之淚作畫。晝隱而夜見。烏鰂之墨偽券。暫明而久滅。蜃脂和蠟為燭。其烟上成樓臺。雷獸骨擊鼉鼓。聲聞五百里。鼉肉具十二少。象肉配十二辰。短狐含沙。射影則瘡。蛛蝥遺溺。中影則疾。虎夜一目放光。一目看物。馬夜行。其目光所照。三丈。象以斧斤斫之。其金瘡見。星月即合。其牙生花。必因雷聲。鷓鴣雖東西迴翔。開翅之始。必先南翥。翡翠各據溪曲以居。猶雉

之分畿雖飛不越分域也。子規寄巢生子，百鳥為舖，其雛萬菜有毒，蛇虺誤觸之而目瞑。燕惡艾雀，欲奪其巢，則啣艾置其中。燕即去，蟾蜍擲糞自其口出。凡蛤開口聞雷聲，不復閉口。蜂採百花，俱置翅間。惟蘭花則拱背入房，以獻於君。虎經食人，其耳有缺，虎變為人，其足無踵。蟹至八月，即啗稻芒。莖長寸許，束嚮至海，輸送蟹王之所。未輸芒不可食，鴟梟食母眼精，乃能飛。玄覽麟之所在，百獸從焉。鳳之所止，百鳥環焉。神龍所經，盆盎涌焉。海犀所涉，江河圻焉。麒麟之闢，日月蝕焉。鯨魚之死，彗星出焉。狸牛之搏，海水沸焉。越睽殺犀，疾雷及焉。海牛之皮可鞞，海豹之皮可鞞，海驢之皮辟濡。湖州有盈尺之蟻，祖洲有八尺之鮒。交廣有四丈緞鬚，女且有千里之蟹。益州有三熟之薺，九真日南有八熟之薺。江南有吐蚊之鳥，塞北有蚊母之草。南中有疾蚊之木，牛食生鱧而肥，羊食僊靈脾而淫。烏鳳曉百蟲之音，反舌解百鳥之語。角端知四夷之語，松為百木之長，桂為百藥之長，梓為百木之玉，牡丹為百花之玉，葵為百蔬之玉，人參千歲為小兒，枸杞千歲為犬子，松脂千歲為茯苓，楓脂千歲為琥珀，蒼草千歲而神，枯根千歲為坐人，竹米而枯，蕉萃而槁，松柏錫而槁，蘗萎而不零，蕉葉槁而不籜。

鷓知天時

鷓知天時。鷓知風雨。駝知泉脉。獺知水潦。狔將風則湧。龜欲雨則鳴。天將久雨。則豕
進漿。猩猩知往。禱杓知來。鼃鳴應更。蜂銜應潮。鷓巢背歲。蛇盤向玉。狐潛上伏。蝠忌
庚申。猫見寅人而食子。麇逢申日而過街。狼識孤虛。虎奮衝破。蛇曉方藥。蟹善禁咒。
鱧首戴星。夜向北斗。狐首戴鬕。夜禮北斗。七月涼風至。寒蟬感而能鳴。十一月地雷
動。野雉聽而先雉。運目鳩之雄者。晏靜無雲則鳴。陰諧鳩之雌者。天將陰雨則鳴。鷓鷯
能勅水。故水宿之物莫隱。啄木遇蠹穴。能以嘴畫字成符。故蠹魚自出。鴉有隱巢。故
鷓鳥莫能見。燕啣泥常避戊己。故巢不傾。鶴有長水石。故能巢中蓄魚。而水不涸。旨
鴉行避草木。恐觸其喙也。雀雉高避雨雪。珍惜其尾也。山雞炤水而自溺。矜其彩也。
鮪魚罝網而不動。護其鱗也。鵲善相其地。而壘巢。安則致其功用。鷓善相其天。而吐
綬樂。則見其文彩。鹿比其類。而環角外向。牛衛其犢。而環首外觸。雁有奴。而伺夜。羊
有頭。而率羣。雁啣蘆。而捍網。狙口巧。而搏矢。鷓鵒夜飛。而啣葉以覆背。羚羊夜宿。而
懸角以掛木。蚺蛇自見。金劍口無膽也。雄雞自斷其尾。憚為犧也。虎食青泥。而解箭
口。雉口地黄。以點膚傷。貉為曲穴。以避雨。野豕口松脂。曳沙泥。以禦矢。黃蜂綴窠於

屋銜漆以固蒂。□步罡轉石以出蛇。鶴擇磐石繞卵以助暖。雀銜艾以塞燕窠。龜擦
茅以解蜂螫。鷺偃絲而窺魚。鷹弭角而搏鳥。螳執葉自翳以捕蟬。烏鯁仰腹自浮
而致烏。蠅虎匿形搖股而搏蠅。穿山甲張甲而致蟻。即且以氣禁蛇。蝸牛以涎規蝎。
鵝警盜。鵲噪客。鴉鳴喜。蛇鳴不祥。雞夜啼而有赦。猫洗面過耳而勝客。至。豸巴鼓琴。
游魚出聽師曠奏樂。玄鶴飛舞。杜鴻漸登閣奏鼓。羴羊躑躅。開山升坐講經。家雞佇
立。槃瓠銜戎將之首。的盧脫檀溪之厄。黃耳繫吳洛之書。孤燕死玉京之塚。烏龍啖
張然之□。鸚鵡告楊崇之賊。雁為郝經傳書以通元。鵲窺景逸□□而報敵。天寶馴
象。弩目祿山之使舞。袁桀斃狗。□噬靈慶之負恩。龍朝江□助藝祖之戰。蟻穴獄地。
脫董昭之厄。龜浮洙水。濟毛寶孤軍之沉。蟹拖水藻。救厨婢積熱之症。郭索執穗以
輸海神。烏鵲填河而渡織女。白龍魚服而困於豫。且龜為清江使者而通夢於宋元。
峽山之援。化為孫恪之婦。閩江之螺。化為謝端之妹。始皇遺筆。袋於海上。化為墨魚。
黥布覆彭醢於江中。化為彭蚘。孫權棄殘鱠於中流。化為王餘。越王弩弦。化為枳首。
魚蠹食仙字。化為脉望。馬驚食牛血。化為率然。獅子糞。為蘇合香。服翼糞。為夜明砂。
蘇方木自然。蟲糞為紫粉。號寒蟲糞。為五靈芝。

鼯鼯鼯鼯鼯鼯鼯鼯之類十有二曰猿猴狢獼狢獼能為特獨十龜
神靈攝寶文筮山澤水火各異名也六龜天玄地黃東青西白南赤北黑各異字
也。

懶肝應月

物理有與氣候相應者懶肝一月一葉十二月十二葉月滿又退之鱖魚脊十二骨
每月一骨有毒梧桐按月生葉一對不增芋每月一子每大芋十二子鳳尾十二翎
遇閏生十三翎藕每月一節閏月益一節棕招應月生片遇閏則生半片歲長十二
節歲閏則生半節芡菰種水中一莖收十二實歲當有閏則十三實雲南大理和山
有樹葉如桂白色名和山花每孕十二瓣遇閏多一瓣黃楊歲長一寸遇閏則否牡
丹遇閏則花小蟬遇閏則少鳴鷓鴣飛數隨月正月則一飛而止龜鳴應更初更則
一鳴而止食物本草无尾歲生一窠雀乳雛四月四子五月五子六月六子見空驪
山泉出二穴朔后出左穴望后出右穴蜀青城延慶宮六時水陽時即洒然而下陰
時即無夷陵重山有風穴夏則風出冬則風入春秋無風朱草日生一葉至十五日生
十五葉十六日後一日落一葉蛤蚧之鳴大月三聲小月二聲鳩飼子朝從上下暮

從下上魚始雷頭向下未驚蟄頭向上五月五日蝦蟆必伏水草不鳴七月七日烏鵲則集林木不飛海中有甲物如扇其文如瓦屋名海扇三月三日潮盡乃出丙日嘉魚出穴甲子庚申日玳瑁閉口不食蝙蝠伏庚申夜鼠伏甲子夜燕啣泥避戊己道州舜祠遇正月元日則山狙朝廟猿亦如之南靖縣鰲池有祠每朔望則羣魚浮列池上朝向殷貫家鐵樹遇丁卯年則開花扶蘆山甲戌日則有鼓樂笙簫聲猫咬鼠初一至十五咬上身十六至月終咬下身虎每月望前耳能聽而目不能視望後目能視而耳不能聽科斗月大盡先生前足月小盡先生后足驢馬駒月初生者行在母前月半生者行與母並月末生者行居母後鴛鴦花九月九日及中秋種之花必大又必滿象膽隨四時春在前膊左夏在腹秋在左足冬在右足鱸魚膽春夏近上秋冬近下蚺蛇膽上旬近頭上中旬近心下旬近尾人身諸蟲上半月頭向下下半年月頭向上雞子日中則正日昃則偏白毛烏骨雞每日以子午卯酉四時其毛翻豎戟立猫目睛旦暮圓及午豎斂如線其鼻端常冷惟夏至一日暖昆吾陸地鹽月滿則如積雪味甘月虧則如薄霜味苦蟹月黑則肥月明則瘦燕昭王時有長春樹花春色碧春盡則落夏則赤夏盡則凋秋色白秋殘則萎冬色紫遇雪則謝宣和士

人之蠹魚石。至午則堅冷為石。至巳時則蠕動為小蠹魚。李芬之未石。每日至未時。則氣出如雲烟。祁陽縣北金冲井旁穴一竅。每日午水溢。緋魚游泳。夜半魚匿。日午又然。雲南大理洱河有分水厓。南河北海。水如各動。河海正中。每八月望有珊瑚樹。出水面。湘潭方廣寺。每四月朔日。東壁見維揚官府樓堞。白厓川畢鉢羅窟。獨木橋十餘所。木大如指樵子履之而過。亦不損折。每月十五夜。換橋一次。但見橋新。無復舊木。謂之仙橋。道書。四川大邑縣鶴鳴山。有二十四洞。應二十四氣。洞口約潤三尺。深不可測。每遇一氣。則一洞竅開。餘皆不見。有七十二穴。應七十二候。文昌雜錄。廣州大溪山有洞。五月五日洞開。人備墨紙以手刷石壁。多得藥方咒語。洞亦隨閉。洛聞錄。河州鳳林關有靈岩寺。每七月十五日。則流出聖奈。大如盞。音緩。冬至陰極。陽生。梅桃李杏花皆五出。夏至陽極。陰生。威靈仙鹿葱射干淨瓶蕉梳子皆六出。

物類同名

木筆名辛夷。芍藥亦一名辛夷。太華山蛇名肥遺。英山有鳥亦名肥遺。風伯名飛廉。龍雀鳳頭龍尾。其文五色。亦名飛廉。劍名魚腸。竹亦名魚腸。彭蠡通夢於人。自稱曰長卿。草中有徐長卿。子規名謝豹。一曰謝豹人也。拘恥死。其魂為蟲。潛行地中。羞見

人以足覆面作羞恥狀能穴地如鼯鼠項刻深數尺老君名李耳虎亦名李耳劉向
名更生菊亦名更生藤名扶老鳥亦名扶老蟲名寄生軍裝亦名寄生終南山名地
肺荊州府山名地肺萬畢術沙虱一名地肺鷓名晨風馬亦名晨風草名屠蘇屋亦
名屠蘇冠幘亦曰屠蘇張平狗名飛燕紅陽侯馬亦名飛燕馬名有玉道遥牡丹名亦
有玉道遥鰐魚名忽雷秦叔實馬亦名忽雷駃御器琵琶名大小忽雷竊脂有三獸其
一也鴉有三其二禽也蜃有二一似螭一似蚌也狻猊有二一獅子一龍子也豸有
二一胡犬一食虎豹者螭蛸有二烏劍之骨曰海螭螭螳螂之子曰桑螵蛸類有二
一蠶爰之獸如理而有髮名曰臂類一則帶之鳥如烏而五采名曰奇類鶡有三一
鴻鶡一鴉鶡鄭玄解為題肩一鳳多白色也鶡有二一鶡鶡一赤鳳之名也夔有二一獨足
之獸一蜀山之牛重數千斤者鶡鶡有三一羽可為裘一西方似鳳者一唐侯之馬
名也螭有二一身紫小魚一海鱓大魚也麋有二一鹿子一獸子初生皆曰麋也犛
有二一黃牛黑脣一則牛七尺為犛也鬼車有二一鴝鶒一則胡蝶之名也鯢有二
一魚子之名一則化鵬者鶡鶡有二一如鳥三首六尾一如鳥五采赤文也鼯有二
一如鼠毛蒼而在樹一鼠身馬蹄一歲而千斤者魚虎有二一水禽食魚一海魚有

變為虎者。羆有二。一如麋川在尾上。與如熊者別也。羆有二。一浮玉之山獸。狀如虎。與家羆別也。鷓有二。三危之山鳥。狀如鷓。與鷓泉別也。且有二。一獸名鷓。且一鳥名鷓。且也。蜚有二。一負雙。一如牛者。蜀有二。一葵蟲。一鷄大者為蜀也。特有三。豕生三子。一曰特。又一歲曰特。又一牲亦曰特也。蜚有二。一蜚蜚距虛。一秦人謂蟬蛻曰蜚也。屢有二。一比肩之獸。一井中蟲也。禹有二。一猛獸。一山神獸形也。蛤有四。一雀入大水化為者。一蜻屬。一鼃屬。一蚡蛤。縱有三。一豕生三子。一為縱。又一歲曰縱也。鷓有三。一大鳥。一翠鳥。一赤足黃文者。鷓有二。一鷓鷓。一鴨鷓也。鷓有二。一鳥似雁而無后趾。一馬驪白雜文之名。蠕有二。一蟾蜍。一如蠶。一頭數尾。長二三尺。可食者。爬有二。一豕二歲曰爬。又番猪。牝豕亦曰爬也。蚣有二。一蜈蚣。一蚣蝮也。櫻有二。一從櫻。一如鹿而四角者。角端有二。一狀類麝角。在鼻上。可作弓。一麝身而馬尾。獨角而綠文。能曉四夷語。至於魚名琵琶。燕名琥珀。樹名如何。近矣。菌名笑矣乎。李名顏回。菜名孟娘。松名孔雀。檜名雁翅。羊名槽士。牛名郭叔。丁櫟蟲。名傍不肯鳥。名告天子。則又名之特異者也。

蟬生三日。蠶三十日。蟋蟀不知春秋。朝菌不知晦朔。而大椿以八千歲。莫靈以五百歲。為春秋。小年之不及大年也。此外物類之多壽者。蛇有無窮之壽。獼猴壽八百歲。變為猿。獼五百歲。變為猩。猩猩壽千歲。蟾蜍壽三千歲。千歲者。頭上有角。額下有丹書八字。萬歲者。背生芝草。出為瑞世之祥。太平清話。正和二年夏四月。新安有蟾蜍。背生芝草。時農夫汲水於龍湖之津。觀一十葉。葉間有異草。蒙茸蒼翠。歲寒不凋。五抱朴子。麒麟壽三千歲。廣雅曰。壽二千歲。騰黃之馬。吉光之獸。皆壽三千歲。千歲之鳥。萬歲之禽。皆人面鳥身。壽如其名。虎及鹿兔。皆壽千歲。滿五百歲者。其毛色白。熊壽五百歲者。則能變化為狐狸。又豺狼皆壽八百歲。滿五百歲。變為人形。鯉壽千歲。鼠壽三百歲。滿百歲者。色白。善憑人。可為卜。曰。仲能知一年中吉凶。及千里外事。狐五十歲。能變化為婦人。百歲為美女。神巫或為丈夫。千歲即與天通。為天狐。又千年之狐。姓趙。姓張。五百年狐。姓白。姓康。千歲龜五色。見焉。額上兩角骨起。能解人言。浮於蓮葉之上。或在著叢之下。三千歲。遊卷耳之上。錄異記。武成三年庚午六月五日。廣漢太守孟彥暉。奏西湖有金龜徑寸。遊於蓮葉之上。一曰。龜壽三千六百歲。柳莊龜。經龜千二百歲。可卜天地之終始。述異記。龜一千歲。生毛。壽五千歲。謂之神龜。壽萬年曰靈龜。鵠生百年而紅。五百年而黃。又

五百年而蒼。又五百年而白。壽三千歲。柳毅傳稱龍壽萬歲。道家云。虎千歲則才脫而角生。天玄主物簿。孕環之。免隱於左腋。毛有文彩。至百五十年。當轉環於腦。能隱形。人不能見之矣。燕滿五百歲。則生胡髯。一曰。千年生胡髯。千歲之燕。戶北向。百歲蝙蝠。能於人口上。服人精氣。以求長生。三百歲。能化形為人。飛遊諸天。千歲之後。體白如銀。棲即倒懸。飲乳水而長生。得而陰乾。末服之。令人壽四萬歲。玄中記。百歲服翼色赤。止則倒懸。千歲服翼色白。得之壽萬歲。白集。荊州玉泉寺山洞有白蝙蝠。大如鴉。體如白雪。鹿六十年。則懷瓊於角下。角有斑痕。紫色如點。竹。或有涎出於口。不能急走也。魚之懷珠者。五十年后。不復鼓鰓。鬚紫色。眼紅色。口赤色。鶴七年小變。十六年大變。百六十年變止。千二百年形定。二年落子。毛易黑點。七年羽薄雲漢。復七年舞應節。復七年晝夜十二鳴。復十年不食。生物大毛落。茸毛生。毛如雪。或純黑。泥水不能污。復百六十年。雌雄相視而孕。一千六百年。飲而不食。千歲之鶴。隨時而鳴。能登於木。色純白。腦盡成骨。千歲樹精為青羊。萬歲樹精為青牛。又花木之壽者。劍州古延福寺。有千年木一株甚巨。二白羊往來其下。近之則不見。嶧山有禹貢時孤桐。秦山有秦大夫松。秦郡有秦時柏。功州鳳凰山有紫柏。號騎鯨柏。根盤巨石。大幾

十圍東岳廟有漢時伯冢州有昭烈時大桑盧龍靜安寺有陳朝檜吳興鐵佛寺金陵牛首皆有六朝時銀杏樹茅山及洪州西山皆有許旌陽手植檜范石湖在咸都見唐時梅呂吉甫宅有唐時雙檜建寧都司有五代時樟木

食物異常

食物異常者如煮肉不變色曝肉不能乾祭肉自動肉經宿尚暖或入水攪掣或落地不沾塵土或煮而不能熟或煮熟不飲水者鳥死口自閉或目不開或足不伸者兔死眼自合或隻眼者鹿有豹文者魚無腮或無腸無膽或逆鰓或金鰓或有目睫能開合或二目不同或赤目或逆鱗或白鬣或白背或腹下丹或有角或頭有白色如連珠至脊者蟹腹下成王字或卜字或三足或獨目或目白足赤或腹有蛇蟠文或頭足不能縮者蟹腹下有毛或腹中有骨或兩目相向或獨目或足斑目赤或背上有星點者蝦無鬚者或腹下丹煮之白者牛肝孤葉者馬生角或蹄有夜目或白馬黑首或白馬青蹄者白猪白蹄青爪或白猪黑蹄者犬懸蹄肉中有星如米者羊心及肝有孔或六角或獨角或白羊黑首黑羊白首者鴨目白無黑者雞有四距或黑雞白首白雞黃首者凡獸有歧尾或赤足者凡鳥有四距三足或六指或烏肝青

色或白烏玄首玄鳥白首烏卵有八字文者木耳及菌赤色或下有毛或夜有光煮不熟者桃杏雙仁者諸瓜沉水或雙蒂雙算者桑根出土上者李不沉水者薑有黃花者芹有赤葉者此類多毒食之殺人陶瓶內插花宿水及養蠟梅花水飲之能殺人

物反常性

物各有性而或反其常如水宜寒而有溫泉火宜熱而有涼鐵石宜沉而有浮石山木宜浮而有沉水木晝宜明而有變晝草夜宜暗而有夜光珠夏宜暑而有避暑屏冬宜寒而有辟寒玉莫輕於毛而弱水不能載莫堅於石而骨託獨能吞莫酷於火而有不灰之布莫動於金而有食鐵之蟻至於兔絲無根而生蛇無足而行石脾入於水則乾出水反濕甘草遇火則熱油麻入火則冷獨活有風不動無風自搖硃砂入火后用之殺人藥中服餌用其生者附子生用殺人藥中用其熟者蚌淚晝物晝暗夜明沃焦石磨水晝物夜隱晝見鶴鷓晝暗夜明鼠晝伏夜動烏向啼而背棲燕背飛而向宿烏喜聞曉鵲喜獨闌睡蓮晝開夜縮水底夢草晝縮入地夜即出水菱花開必背日芡花開必向日蟬飲而不食蠶食而不飲蜉蝣不食不飲太陽之草曰

雞格即黃精一名菟竹一名地髓餌之長生太陰之草曰鈎吻食之立死野葛一名嬾婦魚脂歡樂則

明績紡則暗寧王燭靜坐則明喧呼則昏鴉以水言自北而南鴉以山言自南而北

子規啼必北向鷓鴣飛必南去鷓鴣飲水數斗而不足鱧鮪入口若露而死烏獸昆

蟲飛者以翼而丹雉之山耳鼠以尾天池之山飛兔以背詭鳥以足上伸當扈之鳥

獮以髯蛤蚧以殼鳴者以口而蟬以翼龜龜之屬以脰精翼之屬以注榮原之屬以

胸蝮蟻以股鶴以喙鼃以脰蜴以胸蟻以背發皇以翼行者以足而蟻蟻以背砂接

子以身倒行聽者以耳而龍以角牛以鼻鬣與蛇以眼取者以臂而象以鼻取視者

以目而水母以蝦視走者以股而駝驢以蛋蚤狼以狼走孕者以交而兔以望月孔

雀以聞雷鶴以聲鵲以意鷓鴣白鷺白鷓以睛烏以涎鰻以影鸛鶴以足騰蛇以聽

孕育者以后竅而鷓鴣鳥鷓蟾蜍免以吐生凡鳥有舌而鴉則無舌魚無舌而鱧則

有舌其一物而性自相反者豆能痢人其殼能止之甜瓜蒂能吐人其肉能解之坐

擘能憎人食其心則醒瀛州有草如菖蒲名芸苗食其葉則醉餌其根則醒棟皮根

瀉人皮則吐人蓋蛇之首能殺人尾則解藥毒當歸能生血其尾能破血甘蔗煎為沙

糖則熱水成湯則冷蚊母鳥口吐蚊而其翅為扇獨辟蚊同地而生物性相反者有

鴉處即有白蟻蚣以治鴉有蠱處即有白藥以解蠱有野葛之地必生薤葉有短狐之地必有鸛鷦有射工之地必有鴉鴉魚鯊螺蜆治濕氣而產於水麝香羚羊治石毒而產於山同一物而異地則各殊者天下海棠皆無香獨昌州者有香天下鱸魚皆兩鯉獨松江鱸魚四鯉鶴在他處產者足皆黑在通州興化所產足皆綠江南以東羊白而豕黑江南以西羊黑而豕白蟹產於濟鄆者紺紫產於江浙者青白蛇死目皆開惟蘄州者目閉若生舒蘄兩界間則一閉一開同一物而食之有相宜不相宜者龍畏棟實而鱉多喜食棟實鴉食桑椹革暴而鳩食之淫鴉躑躅羊食之則死而人食之則可以療病人食鉤吻即死而羊食之肥魚食巴菽即死而鼠食之長鼠食礬石即死而蠶食之不饑魚食莽草即死而人食之美夫食木鱉即死而人食之無毒昌羊去蚤虱而來蛉窮物類相制相報者雞食蜈蚣而雞死蜈蚣亦厚食之蛇食蝦蟆而蛇死蝦蟆溺其骨皆化為水山中田鼠食菅葦而鼠齒至堅惟菅葦擊之輒碎鱧鰻蚊螿即死而其骨燒燻之蚊翅足皆落又如蟹至潯陽則少鮭魚至鴨欄磯則少條魚惟城陵磯冬至前後有之閩中獨有紅茉莉蜀中獨有紫綉毬楚中獨有紅梨花燕中獨有黃石榴天台獨有黃海棠白海棠白紫碧桂花白玫瑰洛陽獨有

黃芍藥其理真不可究詰也

物類相似

爾雅以守宮為蜥蜴以益母為菟蔚詩義以蝨為螻蛄荀卿以蘭根為芷高誘以乾
鵲為蟋蟀蔡司徒以彭蠡為蟹何遜以擁劍為魚蔡中郎以反舌為蝦蟆淮南子以
蛩為蛾蟻孫思邈以合歡為萱草即仁寶以蚌肉為淡菜以水雞為蝦蟆温飛卿以
紅苳為相思段成式以蒙貴為猫此皆相似而非者至於鷺似鳳鷓似鳧似雉鴛
似鴉蠟似蝦蟇似鸞蝸似鼠獨似猿貍鐘似犬犀似豕貌似虎豹似狐獾似
羊兕如牛猛氏如熊貉邊如狗挑拔如鹿靈猫如麝蝮犬如犬齒狗如菟鷓雞如鶴
鷓雞如雉鷓雞如鷓鷓鷓如鷓白鷹如鷹屬玉如鳧思歸如鳩木客如鷓奇嵐如烏
站蜥如鷓猶如鹿貌如馬獬如犬虎爪而善奮山膏如豚火色而善詈文文如蜂枝
尾反舌而善呼孟極如豹白身文題而善伏天馬如犬白身黑頭見人則飛踈斯如
雌雉人面見人則躍山獬如犬人面見人則笑鷓如翠而赤喙黃鳥如鳧而白首葱
聾如羊赤鬚孟摠如貍而赤豪勃如豹而文首狒狒如人灌灌如鳩肫肫如狸而有
鬚狗狗如豚而有珠黑獸如熊曰猎猎素獸如馬曰蛩蛩青獸如虎曰羅羅毗狸如

犬而短尾。魁如小熊而黃毛。符拔如麟而無角。秦吉了如雉。鶴而人耳。有難枚。舉格物者不可不察也。他如蛇床之節亂。薜蘿似細辛。薺芎似人參。百部似門冬。狼毒亂防葵。鈎吻亂黃精。拔楔似葶藶。檉似桃。迷榘似檀。枕似豫章。椀似栝。又其近在耳目者矣。

鳩拔斯彌

莊子云：得水土之際，則為鳧蠖之衣，生於陵屯，則為陵烏。陵烏得鬱栖，緣則為烏足。

草烏足之根為蟻螯，其葉為蝴蝶化，而為鳩拔。鳩拔千日為乾餘骨。烏乾餘骨之

沫為斯彌。名虫，斯彌為食醯。酒上蛻蝶，頭輅名虫，生乎食醯黃軌。名虫，生乎九猷。名虫，督蒿生乎腐

蠟。亦虫名，爾雅云：一名忿龍。羊奚名草，比于不蓐。久草生青寧。名虫，青寧生程程。生馬馬生人。詳

淮南子：寗生海人，海人生若菌，若菌生聖人，聖人生庶人，凡寗者生於庶人。羽嘉生

飛龍，飛龍生鳳皇，鳳皇生鸞鳥，鸞鳥生庶鳥，凡羽者生於庶鳥。毛犢生應龍，應龍生

建馬，建馬生麒麟，麒麟生庶獸，凡毛者生於庶獸。介鱗生蛟龍，蛟龍生鯢鯢，鯢鯢生

建邪，建邪生庶魚，凡鱗者生於庶魚。介潭生先龍，先龍生玄鼈，玄鼈生靈鼈，靈鼈生

庶鼈。凡介者生於庶鼈。煖濕生容煖，濕生於毛風。毛風生於濕，玄濕玄生羽風，羽風

生煖介。煖介生鱗薄。鱗薄生煖介。五類雜種興乎外。肖形而蕃曰窩。生陽關。陽關生喬如。喬如生幹木。幹木生蔗木。凡根拔木者。生於蔗木。根拔生程若。程若生玄。玄玉生醴泉。醴泉生皇華。皇華生庶草。凡根拔草者。生於庶草。海間生屈龍。屈龍生容華。容華生薰葉。薰葉生萍藻。萍藻生浮草。凡浮生不根芟者。生於萍藻。

鳥獸非兵火

鹿臺之山。有鳥如雄雞而人面。名鳧。鳧見則有兵。鍾山有鳥如鵬。黑文白首赤喙。虎爪名大鴞。見則有大兵。小次之山有獸如猿而白首赤足。名朱厭。見則大兵。蛇山有獸如狐而白尾長耳。名狔。狔見則國內有兵。倚帝之山有獸如鼯鼠。白耳白喙。名狙。如見則其國有大兵。恒山有天神如牛八足二首。馬尾音如勃皇。見則其邑有兵。渭水多鱉魚。狀如鱸魚。動則其邑有大兵。歷石山有獸如狸而白首。虎爪名梁梁。見則其國有大兵。章義之山有鳥如鶴。一足赤文。青質而白喙。名曰畢方。見則其邑有譎火。鮮山有獸如膜太赤喙。赤目白尾。名豸。豸見則邑有火。至號山之禺鳥。如鼠而鳥翼。可以禦兵。驪山正回之水。其中多飛魚。如豚而赤文。服之可以禦兵。中曲之山有獸如馬。白身黑尾。一角。虎牙。爪名曰駁。可以禦兵。休水多鱗魚。如盤雌而長。距足白。

而對食之可以禦兵。岨山有鳥如鷲而赤身白首，名曰竊脂，可以禦火。丑陽之山有鳥如鷲而赤足，名曰馭餘，可以禦火。崦岫之山，丹木葉如穀實如瓜，赤符黑理，食之可以禦火。郎公之山有獸如龜而身赤首，名曰蛇，可以禦火。鷩水鰓鰈之魚，如鵠十翼，鱗皆在羽端，可以禦火。翠山鳥多鷓如鵠，赤黑兩首四足，可以禦火。符禺之山鳥多鷓如翠而赤喙，可以禦火。小華之山多赤鷲，可以禦火。帶山有臄，踠如馬一角，可以辟火。一災一祥，何相反也。

鳥獸應水旱

雞山有鱗，其狀如鮒而疏毛，其音如豚，見則天下大旱。令丘山有鳥如梟，人面四目而有耳，名曰顛，見則天下大旱。太華山有蛇六足四翼，名肥蠃，見則天下大旱。鍾山有鳥如鷓，赤足而直喙，黃文而白首，其名曰鷓，見則其邑大旱。崦岫之山有鳥如鷓，人面，雌身大尾，見則其邑大旱。澤夕山有蛇一首兩身，名肥遺，見則其國大旱。幽都，有大蛇赤首白身，其音如牛，見則其邑大旱。枸狀山有鳥如雞而鼠毛，其名蜃鼠，見則其邑大旱。未塗之水有如黃蛇魚翼，名倮蠃，見則其邑大旱。姑逢之山有獸如狐而有翼，其音如鴻鳥，名倮蠃，見則天下大旱。餘如之澤有魚如魚而鳥翼，出入有光。

其音如鷲。鷲見則天下大旱。伊水有鳴蛇如蛇而四翼。其音如磬。見則其邑大旱。長右之山有獸如禺而四耳。其名長右。見則其郡縣大水。崇吾山有鳥如鳧一翼一目。相得乃飛。名蠻蠻。見則天下大水。玉山有鳥如翟而赤。名曰胜遇。見則其國大水。邽山深水有羸魚。魚身鳥翼。音如鷲。鷲見則其邑大水。豺山有獸如夸父而羸毛。見則天下大水。空桑山有獸如牛而虎文。其音如欽。名曰輪輪。見則天下大水。教岸之山有獸如鹿而四角。名曰夫諸。見則其邑大水。剡山有獸如羸人面黃身赤目。名合窠。見則天下大水。

日行三萬里

走獸內行之速者。髦牛。操牛。橐駝。駝鳥。皆日行三百里。州留日行三百里。狻猊野馬日行五百里。哥舒輪白駱駝日行五百里。駿駒日行五百里。王君夫牛能日行七百里。風脚駝日行七百里。波斯國犬亦日行七百里。鷄雞八百里。騏驎驥虎千里。荀晞為兖州鎮。得一牛。能日行千里。杜光庭犬名吠雲。日行萬里。周穆王八駿日行萬里。角端日行一萬八千里。飛兔日行三萬里。又相馬經曰。馬生下墮地無毛。行千里。尿舉一脚行五百里。繭筋豎者行千里。膝如團。麴行千里。耳中有毛者日行千里。旋毛

在腹下如乳者千里酉陽雜俎駝卧腹不貼地屈足漏明則行千里

蟲而鳥獸名

蟲而鳥獸名者。蚊曰白鳥。蚨蝶曰春駒。螢火曰丹鳥。蟻曰玄駒。蜻蜓曰絳騶。蝸曰瓜牛。緯絡曰莎雞。古今注。兗州人謂赤鯉為赤驥。青鯉為青馬。黑鯉為玄駒。白鯉為白驥。黃鯉為雉。蠖蝓謂之青鳧。鳥而獸名者。鵠曰魚虎。石林詩話。江淮有水禽號魚虎。翠羽紅首。頭色可愛。崔德符返羊騷詩。翠裘錦帽初相識。魚虎彎環掠岸飛。魚狗齊廷一足鳥。曰商羊。唐韻。詢水狗也。注小鳥。身似翠。食魚。江東謂之水狗。獸而鳥名者。張平犬曰飛燕。王鐸卑脚犬曰花鴨。宋犬曰鵲。又周處風土記曰。犬則青鸛。白雀。秦皇馬曰銅雀。漢文馬曰紫燕。豫章王蕭巖馬曰飛燕。尸子馬亦名紫燕。黃子馬名黃鵠。曹洪馬名白鵠。

鳥獸而官名

鳥獸而官名者。唐玄宗封白綠鸚鵡為白衣使者。綠衣使者。齊高后主封鷹。凌霄郡君。隋煬帝封芙蓉鷗。碧海舍人。司馬休之封雕。為揚武將軍。齊蕭太祖封赤馬龍驤將軍。北漢劉是封黃驃馬自在將軍。食以三品料。唐玄宗封驃白驃將軍。高齊后主

馬及鷹犬。乃有儀同郡君之號。又不獨齊雞。開府衛鶴。乘軒也。至於秦封松為五大夫。唐武后封柏為五品大夫。陳封石為三品。宋封石為盤固侯。錢鏐封其幼所戲大木曰衣錦將軍。朝廷封爵。乃爾輕及無知之物耶。

清異錄。武宗為潁王時。邸園畜禽獸。以備十玩。鶴為九臯處士。白鷗為玄素先生。雞為長鳴都尉。龜為靈素子。猴為惺惺奴。犬為守門吏。驢為長耳公。猫為鼠將。鹿為茸客。鸚鵡為辯哥。李昉以司空致仕。所居園林。畜五禽。皆以客名之。白鷗。閑客。鸞。雪客。鶴。仙客。孔雀。南客。鸚鵡。隴客。宋曾伯端以十花為友。茶。蘼。韻友。茉莉。雅友。瑞香。殊友。荷花。浮友。巖桂。仙友。海棠。名友。菊花。佳友。芍藥。艷友。梅花。清友。梔子。禪友。張敏客。以十二花為十二客。各詩一章。牡丹。賞客。梅。清客。菊。壽客。瑞香。佳客。丁香。素客。蘭。幽客。蓮。靜客。茶。蘼。雅客。桂。仙客。薔薇。野客。茉莉。遠客。芍藥。近客。

玉芝堂談薈卷三十二終